

# Akabonero Akoomusanvu

Jeffersonville, Indiana, USA

Maaci 24, 1963

1 Weebale nnyo, ow'oluganda. Nga tukyayimiridde, ka tusabe. Katonda Omuyinza wa byonna, Nnannyini Bulamu, era Omugabi w'ebirabo ebirungi, byonna eby'omwoyo, mazima tuli basanyufu nnyo, kaakano, olw'ekiseera kino ekisingayo okuba eky'ekitalo okukunjaanira mu kuberawo Kwo; Mukama, kiteeka akabonero mu bulamu bwaffe, ekiseera kye tutagenda kwerabira, si nsonga tulirwaho nnyo.

Katonda, era tukusaba, nti ku lunaku luno olusembayo . . . Twetegereza Ebyawandiikibwa, ku lunaku olwasembayo olw'embaga, Yesu Yayimirira wakati mu bo n'Ayogerera waggulu, "Omuntu yenna bw'alumwa ennyonta, leka aje gyendi!" Era nsaba, Kitaffe ow'omu Ggulu, nti ekyo kinaddamu nate okubaawo Olunaku Iwaleero, tusobole okuwulira eddoboobi iya Mukama waffe ng'Atuyita, era ng'Atuyita okugenda okumuweereza, okutambulira okumpi naye. Tuwulira muli nti tumaze okuwulira eddoboobi Lye, mu kubembula Obubonero buno, nga lyogera nti lwe lunaku olusembayo, era ekiseera kituuse. Kitaffe, Tuwe omukisa guno gwe tusaba, mu Linnya iya Yesu Kristo, n'olw'ekitiibwa Kye. Amiina. Mutuuleeko.

2 Njagala nnyongerekko kino, nti, mu nkunjaana zonna ze nnali mbadde nazo mu bulamu bwange, nzikiriza nti wiiki eno y'ebadde ekiseera ekikyasinze okuba eky'ekitalo mu bulamu bwange bwonna mu kuweereza. Si nsonga kiki kye . . . Mazima, emabega, ndabye ebyamagero eby'ekitalo nga bikolebwa, mu nkunjaana ez'okuwonyezebwa, naye luno lususse ku ekyo. Kibadde ekimu ku biseera ebikulu, bye nnali mbadde nabyo mu bulamu bwange, kino eky'okuba wano. Ndabye tabernacle eno bambi ng'efaanana bulala. Si ekyo kyokka, naye ne munda wakyuse!

Era, kati, nnabadde mbuuza Billy; Iwaki yaluddewo nnyo okunnona. Yagambye nti waabaddewo ekibinja ekirala ababatizibwa. Abaaweze nga, kikumi, mu wiiki eno, abaabatiziddwa mu Linnya iya Mukama waffe Yesu Kristo. N'olw'ekyo, tu — tusiimye. Era Mukama Abawe omukisa!

Era, kati, bw'oba tolina kkanisa, tukwaniriza wano, okujja okukunjaana naffe. Jjukira nti ekkanisa nzigule. Tetuli kibiina kya ddiini, era nsuubira n'okukkiriza nti tegenda kuberera kibiina kya ddiini. Lukunjaana olw'abasajja n'abakazi, abalenzi n'abawala, we tuisinkanira ku mmeesa ya Katonda, ne tusseekimu mu Kigambo, nga tutabaganye.

3 Kati, tulina omusumba ow'ekitalo, omusajja wa Katonda owannamaddala, era ekyo nkisiima nnyo. Singa musobola okujjukira, okwolesebwa, omwaka gumu oguyise, Emmere bwe yaterekebwa. Era ekyo bwe kiri ddala. Kati tu . . . Kati tulina ekifo, ekimala, eky'okusomesazaam Sunday school, ebbanga lyonna, era tusiimye nnyo olw'omukisa guno. Lumu, abamu bagambyenga, singa babadde n'aw'okusomesaza Sunday school gye bayinza okusindika abaana baabwe. Kati, mmwe, mubifunye kaakati, n'olw'ekyo, kati, jjangu buzzi obeere naffe bw'oba tolina kkanisa ewammwe. Ddala, bw'oba olin ekkanisa ennungi gy'ogenda, ebuulira Enjiri n'ebirala, kale, ekyo — ekyo nga be bamu ku ffe, mukiraba, awalala. Naye bw'oba tolina wammwe, era ng'oli . . .

4 Nkitegeddeko nti bangi abasenguse okuva mu bitundu ebirala eby'eggwanga, eno okugifuula ekkanisa yaabwe. Era ddala tubaanirizza wano ku Kigambo kya Mukama.

Era nzijukira, nsuubira, bwe nnali nngenda, nnabagamba nti — nti enkunngaana, nga bwe nnali mmanyi, zaali za kuba wano mu tabernacle. Sinnamanya kiki Mukama ky'Antegekedde mu maaso. Ekyo nkimukwasa mu mikono Gye, si eby'okuteebereza oba kyonna. Naye mmulindirira bulindirizi buli lunaku, Ye okunkulembera okuntwala awo we nnyinza okumuweerereza obulungi. Era bw'Aliba Amaze okunkozesa, nzikiriza nti Alintwala Eka, mu ddembe.

5 Era, kati, ndi musanyufu nnyo olw'enkolagana y'abantu b'omu Kkunjaaniro. Nga Billy bwe yabadde anjamba wiiki eno, nti, ndowooza buli maka gakiikiriddwa wano ku Kkunjaaniro lino galinawo omuntu. Baggudde amaka gammwe n'ebifo, ne mutwala abantu abataabaddde na wa kulaga. Kati, ebyo bikolwa bya Kikulisitaayo ddala. Era amaka agamu gajjulidde ddala abantu mu buli kasonda nga bwe basobola, okusobola okufunira abantu awookusula. Kubanga, kino kibadde kiseera kizibu nnyo, olw'ensonga eno, wabaddewo ekibadde kigenda mu maaso, emizannyo gy'ensi yonna, omuzannyo gw'ensero oba kyonna, era — era ebifo byabaddde biterekeddwa. Ng'ogasseeko n'abantu abangi okuva mu . . . Ndowooza, abakiikiriddwa wano mu kkanisa eno, amasaza, ng'abiri-mu-munaana oba asatu agakiikiriddwa wano mu kkanisa, ng'oggyeeko amawanga abiri ag'ebweru, kale, n'okudda obuggyaa kuno okutono. N'olw'ekyo ekyo kitwala ekifo kineneko, kyennyni.

Mmanyi ku . . . Leero mbaddeko abantu abamu, be mbuuza. Nngambye, "Nakitegeddeko nti mu lukanjaana luno abantu b'omu Jeffersonville tebabaddeemu bangi."

6 Omu n'anjambla, nti, "Tetusobola kuyingira." Kale, nti, ekyo kye kitugaanye. Eyo y'ebadde ensonga. Abamu ku bapuliisi, n'abalala, baagadde okujja mu lukanjaana, naye baagambye, nga boogerera awo, nti, naye bazze ne batasobola kuyingira, nti mu kiseera we bajjidde waabaddde wajjudde dda. Kale babadde n'ekiseera kyabwe, osanga, oluvannyuma, ne batasobola kujja. Kale kati abantu abava mu bitundu birala, tuli basanyufu nnyo.

Kati, simanyi. Ekiddirira kino, kyandibadde Obugombe Omusanvu mu bubaka obulala. Naye, mu Bubonero, ebintu byonna byonna mwebiri. Emirembe gy'ekkanisa gjija era gye twasookawo, egyali e — egyali emikulu, naye e . . . mu kiseera ekkyo. Kati, okubembulwa kw'Obubonero kulaga wa Ekklesia w'egenda, n'enjeri gy'eggwaako. Era kati, nsuubira, Kitaffe ow'omu Ggulu mazima Abadde wa kisa gye tulii, okutuganya okulaba ekkyo kye tulina.

7 Kati kino nkyogera, nga ntunuulira nootisi zange ez'edda ku bintu bye nabuulirako, emyaka mingi egiyise, najjanga buzzi ne njogera kye nnalowoozanga nti kye kituufu, bwe ntyo. Kyali kyawufu nnyo okuva ku kituufu. Era kati, Obubonero bwonna obuna, nabuulirira, mu kubuulira kwa ddakiika abiri. Abavuzi b'embalaasi abana, ab'omu Okubikkulirwa, nnabigatta wamu byonna, ne nngamba, "Embalaasi emu yagenda mu njeru," Nti era, "osanga ekkyo gwe — gwe — gwe mulembe ogwasooka. Embalaasi eyaddako yagenda mu njala," era olwo ne nngenda bwe ntyo.

Naye, abange, Ekigambo bwe kyambikkulirwa ddala, kyali wala mmayiro kikumi okuva ku ekkyo. N'olw'ekkyo kitwetaagisa okwekkaanya n'okulindirira. Era osanga kyalina okuba mu kiseera kino kiryo kikolebwe. Osanga wayinza okubaawo ebintu bingi ebyogeddwa, ebiyinza okuba ng'abalala tebabikkiriza. Naye nzikiriza, nti ekiseera ekimaliriza bwe kirituuka, ne tusisinkana Mukama waffe, mulikiraba nti kyali kituufu. Dda — dda — ddala bwe kiri.

8 Kati, abantu abavudde ebweru w'ekibuga, abavudde mu bitundu eby'enjawulo ebyetoolodde wano, abavudde mu mawanga ne mu masaza agatali gamu, nsiima nnyo obumalirivu bwammwe okutambula enjendo ezo zonna, n'okutwala ebifo byammwe. Nga n'abamu tebaafunye na wa kusula! Nze — mmanyi, kubanga abamu ku bo nsobodde okubayamba okufuna awookusula. Nga tewali na ssente za kulyako, oba ekintu ekirala kyonna, n'olw'ekkyo . . . mu buli ngeri, ne bajja, nga baliko kye basuubira okubaawo, okubalabirira. N'okukkiriza okwenkana awo mu ekkyo, nti si nsonga oba tebalina mmere, oba awookusula, baagala okujja okuwulira ebyo, ebintu ebyo nga bibaawo. Okwo kumalirira, nga bw'omanyi. Era buli omu abadde bw'atyo kikumi ku kikumi!

Nasanga mukoddomi wange edda, eyali a — a . . . eyali azimba ekklesia, n'ebirala. Kati nnali mmubuulira nga bwe nsiima omulimu gwe. Nze siri — muzimbi, oba okubaako kye nkimanyiiko. Wabula yo ensonda entereevu ngimanyi, bw'eba etteredde bulungi.

9 Kati n'agamba, "ka nkubuulire." Nti, "Tewabangawo kiseera bwe kityo, tekisangika, okulaba enkolagana wakati mu bantu, bona nga bakolera wamu." Ow'oluganda Wood, ow'oluganda Roberson, na buli muntu nga bali mu bifo byabwe, na buli kimu. Ow'oluganda e — eyateekamu amaloboozi, e . . . Manyanga ebitambuza amaloboozi n'ebirala, mu kkanisa. Baagamba, "Ebintu byonna byakolera ddala bulungi." Bwe baabangako kye beetaaga, waabangawo omuntu ng'ali awo okukikola. N'olw'ekkyo ki . . . Katonda entegeka yonna Yagirimu. Twebaza nnyo olwa kino.

Bangi abawi b'obuyambi ab'ekitalo mu kkanisa, abaayamba okukikola, nga muganda waffe Dauch ne mwannyinnaffe Dauch abatudde wano, n'abalala bangi abaawaayo ennyo olw'omulimu guno. Era nsuubira mu kiseera kyennyini, tebaabulwako kantu konna era byonna byali bisasuliddwa. N'olw'ekkyo tuli basanyufu olw'ekkyo.

10 Mujjukire, ekklesia yammwe, kubanga muli baweereza ba Kristo. Era ekkyo kye kyagizimbisa wano, oluggi oluggule okuteekawo abaweereza, n'eri abaweereza abaafuuka edda abaweereza ba Kristo, okujja beeyagalire mu kukunjana kwa Yesu Kristo. Era twagala mukimanyi nti buli muntu yenna ayanriziddwa.

Era kati bwe mumpulira oluusi, nga nfukiddwako amafuta, ne mba nga nnyanika ebibiina by'amadiini, mba — mba sigenderera kulumya musumba wo, oba ow'oluganda yenna, oba mwannyinnaffe, mu kkanisa. Kubanga, mu byonna, Katonda Alina abantu eyo mu buli kibiina kyonna. Naye taliiko kibiina kya ddiini kyonna ky'Akkiriza; Akkiriza muntu ssekkinnoomu ava mu kibiina. Era ye . . . Tekyetaagisa kibiina. N'olw'ekkyo, abantu bwe basibibwa ennyo n'ekibiina, olwo tebabaako kye basobola kulaba wabula ekkyo ekklesia eyo ky'egamba, olaba. Era ne kiggyawo okukunjana n'abalala, n'enkola yaayo Katonda gy'Atasanyukira, era n'enkola y'ensi Katonda ky'Atalagirangako.

11 Kale, kati, siri ku ssekkinnoomu. Omukatoliki, Omuyudaaya, kyonna ky'ayinza okuba, oba — oba Mumethodist, Mubaptist, Mupresbyterian, ekibiina kyonna, si bibiina, ne — n'ebitali bibiina by'amadiini, ne byonna, Katonda Alinamu abaana Be abali omwo. mukiraba? Nsuubira, emirundi mingi nti bali eyo baliyo lwa kigendererwa, okwasa Omusana, nga baggyayo abo abaayawuliba okuva buli wantu wonna. Kati — kati ku lunaku olwo olukulu, tuliraba, Ekklesia ya Mukama Yesu Kristo baliba bayitiddwa eri e — ku lukunngaana olw'ekitalo mu bbanga, era ffenna tuligenda okumusisinkana. Era nze — nneesunga essaawa eyo.

Kati, waliwo bingi nnyo ebyogeddwa! Kati leero, olunaku olusembayo, olukomekkereza, nga bulijjo, buli muntu yenna a . . . Mu lukunngaana olw'okuwonyezebwa, nkirabye nga, beesunga ebintu ebikulu ebigenda okukolebwa mu kusabira okw'okuwonyezebwa, ekibaleetera okuba ku bunkenke n'okubyangatana. Ate era, ndabye ekintu kye kimu leero, nti buli muntu ali mu kwsunga okulaba engeri .

. . . Era buli lunaku, kibaddenga bwe kityo, olw'okubembula Obubonero obwo.

12 Kati, kino njagala nkitangaalize ddala. Buli mulundi, buli mulundi Obubonero buno lwe bulabisenga; buli kintu kyonna kye nabukkirizangako, era nga kyasomebwako n'abantu abalala, bibadde bikontana n'ebyo ebizzenga gye ndi mu kisenge. Era ebirowoozo byange, mu kiseera kino . . . Ensonga Iwaki nnabadde n'okusabira abalwadde enkya ya leero, yabadde lwa kuba nti ebirowoozo byange eby'obuntu bibadde bigenda ewala ennyo okuva ku ndowooza eyange. Ngezezzaako okubeera mu — mu kisenge ng'entimbe ziggiddwawo, ettaala n'eyaka. Luno lwe lunaku olwomunaana. Nga sirinnyako na mu mmotoka yange, o — okugenda wantu wonna.

Nnalina okugenda mu bbanka, n'abamu ku booluganda, okuteeka omukono ku bimu ku biwandiiko n'ebantu ebirala, ebya ssente n'ebantu ebyewoleddwa olw'ekkanisa eno. Naye nze — nakomyewo, ne nngenda butereevu okusoma. Era ekyewuunyisa, tewabaddeewo muntu yenna eyabaddeko ne kyayogera. Oba, bulijjo, babaddenga bakonkona, era nga beekululira awo, wonna. Tewabaddeewo kintu kyonna. Kyewuunyisizza nnyo.

13 Awo we mbadde ndiiranga, ewa Ow'oluganda Woods. Ekifo ekkyo kiba kijjuddenga emmotoka. Era babadde n'abantu nga munaana oba kkumi abatali bamu ababadde bagenda okusula nabo mu kiseera kino, era tewali n'omu yajja.

Kati, enkya ya leero, siryerabira makya gano, Ekisa ky'Omulokozi waffe eri omuweereza We omukoowu era omuyenjebufu. Bwe nnayanukudde ekibuuozo ky'omuntu bambi, okisinziira, nze nga bwe mmanyi, nga ndowooza nti kye nkoze ky'ekyo. Kyokka, amangu ddala, nnabadde nga — waliwo kye nzgye ku mwana, nnalumiriziddwa nnyo, era ssaategedde kye kyabadde. Nnalowoozezza, nti osanga lwa kuba mbadde nnyigiriza wabeerewo okusabira abalwadde, osanga waliwo omulwadde omuyi, alina okusabirwa mu kiseera ekkyo. Ne mbuuza ekibiina. Mu ddakiika ntono, ne kibikkulwa. Ne wabaawo agamba, "Toosome —toosome kya kuyigako kyo?" oba kyonna. Mu kiseera ekkyo, ne nkwwata olupapula ne nziramu okusoma, okulaba kye kigambye. Ne ntunula ku Kitabo, ng'ekibuuozo kye nnabadde nnyanukula, kyabadde kirala nnyo.

14 Munzikirize kino nkibabuulire. Amaanyi ag'Obwakatonda bwe gajja, eyo y'endowooza ya Kristo. Ogenda wala nnyo okuva ku ndowooza eyiyo, okutuuka, mu ndowooza yo. Nze . . . Kino, ggwe . . . Si . . . Mundeke ekkyo nneme kukinnyonnyola, kubanga sisobola. Olaba? Mbadde siyinza kukikola. Tewaliwo ayinza kukikola. Omusajja oyo Eriya yasobola atya okuyimirira eyo ku lusozi mu kuberawo kwa Katonda, n'ayita omuliro okuva mu Ggulu, olwo enkuba n' etonnya oluvannyuma l'omuliro. N'aggala eggulu, enkuba n'etatonnya okumala emyaka esatu n'emyezi mukaaga, ate n'addayo n'ayita enkuba, ku lunaku lwe lumu! Era mu mafuta ago, engeri . . . yatwala bakabona ebikumi bina n'abatta; n'agenda mu ddungu, olwo; ng'akaaba olw'obulamu bwe, olw'omukazi okumutiisiisa. Mukiraba? Yezebbeeri, yalayira nti ajja kumutta. Akabu, ne bona baaliwo, ne balaba okubeerawo kwa Katonda n'ekyamagero eky'ekitalo nga kikolebwa.

15 Mulabeeyo, o . . . Omwoyo yali amuvuddeko. Mu ndowooza ye ey'omubiri, teyamanya ngeri ya kulowoozaamu, olaba. Yali tasobola kwerowoleza. Kati, jjukira, Malayika yamwebasa, n'amuwummua. Yamuzuukusa, n'amuwa omugaati; n'addamu okumwebasa, n'amuwummua; ate era n'addamu n'amuzaakusa, n'amuwa omugaati nate. Kati ekyatuuka ku musajja okumala ennaku amakumi ana, tetukimanyi. Oluvannyuma n'atwalibwa mu mpuku, awantu, Katonda n'Amuyita.

16 Ekyo ekky'Obwakatonda togeza ako kukinnyonnyola. Tokisobola. Olaba? Eky'okukola kiri kimu, kwe kugenda obugenzi mu maaso. Era ngezaako nga bwe nsobola okutangaaza ebantu, naye okuva kati okweyongerayo nja . . . nsuibira sigenda kuddamu kukikola. Ggwe kkiririza ddala oba kireke. Era nja . . . Oluvannyumako, ojja kulaba, Iwaki.

Kati, ngezezzaako okuba omwesimbu. Ekyo Katonda Akimanyi. bwesimbu nga bwe mmanyi. Nsomye busomi ekitundu ky'olunyiriri ekisooka, era tekyandibadde ki . . . tekyandibadde kituufu. Naye Omwoyo Omutukuvu, Amanyi nti nze . . . endowooza yange . . . Olaba, labayo, ennaku bbiri oba ssatu eziyise, ekibadde kigenda mu maaso. Laba, nna — nnakiyyita kasanvu . . . "kasavu," lusanvu. Enkya ya leero, nnakyogedde, kyokka abantu ne bakiraba, olaba, era ekkyo kyalaze nti mwabadde muwuliriza.

17 Kati, ekirala, bwe nnabadde njagala okwogera ekigambo "jjiba," ne ndiyita "omwana gw'endiga;" naye ekkyo nakirabiddeko. Kati naye, wano, kino nnabadde sikirabye, Omwoyo Omutukuvu Yakyuse n'akindaga. Obwo obukakafu bwa mirundi ebiri obulaga nti ebantu bino bituufu. Wa . . . Katonda Akitunuulidde, okulaba nti bwe kiba. Ky'ekkyo. Akyagala. Ayagala mumanye nti ge Mazima. Ye y'abiweereza, kubanga mazima ddala tebyali . . . kibadde kirungi gyendi, nga njiga, okufaanana nga bwe kiri gye muli.

N'olw'ekkyo tu . . . ndi musanyufu nnyo olwa — olwa — olw'okutegeera, okumanya ku Mukama kati, n'ekiseera kye tulimu kaakati; olaba, nga tuli mu kiseera ekky'enkomerero, ng'ekkanisa tennaba kugenda. Kati mu . . . Tubadde twogera bwogezi, kati ka tusabe nate omukisa Gwe ku Kigambo.

18 Kitaffe ow'omu Ggulu, luuluno Olunaku olukulu, n'ekiseera eky'ekitalo ekintu ekikulu we kibeereddewo. Kibaddeko okwetooloola wonna mu bantu. Era, Kitaffe, nsaba nti kimanyibwe leero, okusukka okubuuusabuusa, mu mitima n'endowooza z'abantu, bamanye nti Katonda Akyali ku Nnamulondo, nti era Akyayagala abantu Be. Era ky'ekiseera, ekiseera ensi ky'eyagadde okulaba, kaakano kisembedde, kubanga ekaabira okununulibwa.

Tulaba ebintu kati bitegekeddwa okugikomyawo. Tulaba ng'ebintu bitegekeddwa okuleeta Ekkansa mu kuberawo kwa Kristo. Tusobola okulaba o — Omugole ng'assaako ekikula, ng'ayambala ekyambalo ky'obugole, nga yeetegeka. Tulaba okumyansamyansa. Tumanyi nti tuli ku nkomerero.

Kati, Kitaffe ow'omu Ggulu, kino nga kigenda mu maaso mu kubuulira, oba okuyigiriza ku kintu eky'amaanyi, eky'ekitalo ekyabeerawo mu Kitiibwa, emyaka nkumi bbiri egiyise, ne kiweebwa omutume omwagalwa ow'ekitalo, Yokaana. Leero tugenda kukyogerako. Leka Omwoyo Omutukuvu Ajje kati mu buyinza Bwe obw'amaanyi obw'okubikkula, Alyoke Atubikkulire ekintu ekyo ky'Ayagala tumanye, nga bw'Akoze ennaku ntono eziyise. Twewaayo gy'Oli, n'Ekgambo, mu Linnya lya Yesu. Amiina.

19 Kati, mpozzi, nga bwe mwagala, okubikkula Bayibuli zammwe. Luno lunyiriri lumpi, olunyiriri lumu olw'Ekyawandiikibwa. Naye, Iwe lunyiriri lusembayo, lusangibwa . . . manyanga, Akabonero akasembayo. Kati, Olunaku Iwa jjo twabadde twogera ku Kabonero Akoomukaaga. Akabonero Akasooka, nga ye mulabe wa Kristo ng'ayanjulwa. Ekiseera kye kyayitawo, era twalabye n'engeri gye yafulumamu. Engeri Ekiramu gye kyaleetebwa, mu Maanyi ga Katonda agaafuluma n'amaanyi g'omulabe wa Kristo, okukirwanyisa! Sirowooza nti wayinza okubaayo okukibuusabuusaako mu mutima gw'omuntu yenna.

Kati tulaba, amangu ddala oluvannyuma Iw'ekyo, omulembe gw'ekkaniasa ogwo, Ebiram ebyo bwe byafuluma. Tukiyiseemu, ne tukiraba nti, awo kyakyusa ekifaananyi kyonna, tewaddayo nate kubaawo Kiramu kivaayo. mukiraba? Naye, kibadde kiraga, okuvaayo, okuja mu kiseera eky'Ekiponyoobonyo, Ekkansa ng'emaze okugenda. Nga kikwataganidde ddala bulungi n'emirembe gy'ekkanisa! Siraba wadde akatonneze akamu, oba ekintu kyonna kitakwataganidde ddala, n'emirembe na buli kimu kyonna, n'ekiseera. Mukirowoozeeko. Ekyo kiraga nti Yabadde Alina kuba Katonda, okukikola. Endowooza y'omuntu, ekyo yabadde tesobola kukitegeera.

20 Era kati tukiraba nti ekyo, nakyo, tu . . . Mukama Yatuganyizza okulaba Ekyawandiikibwa, Ekyawandiikibwa Ekitukuvu, Yesu kye Yagamba nti kiribaawo. Kati ekyo twandikizudde tutya? Era wano, kijja ne kibikkula, ne kikireetera ddala bulungi. Okubuulira Kwe awo, ekyo okukyanukula, kikireetera ddala awo, Obubonero mukaaga, naye Akoomusantu Yakaleka.

Kati olwo Obubonero bwe bwabikkulwa, Katonda, wano yakiraba, n'atabaako kintu kyonna ky'Abikkula ku Koomusantu. Olaba? Kyama kyennyini ne Katonda. Mwetegereze. Kati tugenda kusoma mu Bayibuli, mu — Akabonero Akoomusantu. Ako kasangibwa mu Okubikkulirwa essuula 8.

Bwe Yabembula akabonero akoomusantu, ne waba akasirrikiro mu ggulu nga kitundu kya ssaawa. By'ebyo bye tululinako.

21 Kati tugenda kukyetegereza. Era tugenda kugezaako obutalwawo nnyo, kubanga bangi ku mmwe, leero, ate, mugenda kuba nga muddayo, ewammwe. Era nate ndowoozezza okuba n'okusabira abalwadde, amakya gano, ekiyinza okubaleetera okuddayo enkyo, olwo muba mulina okulindako. Era kati tu . . . Kati nze, nange, nnina okuddayo e — e Tucson, Arizona, gye mbeera. Era kati ge maka gange. Ate olwo nze — njagala okukomawo wano, Mukama ng'Ayagadde, nga . . . Abantu bange baagala okukomawo mu Juuni. Era, kati, osanga mwenna tulisisinkana wano, mu lukunngaana olw'ekiseera ekyo.

22 Mu nteekateeka zange olukunngaana oluddako Iwa kuba mu Albuquerque, New Mexico. Nsuubira ze nga mwenda, kkumi, ne kkumi-na-lumu. Ndibeerayo ku Lwokuna ne ku Lwokutaano Olutukuvu. Kale, mbadde wa kubaawo mu byonna, kyokka nnina n'enteekateeka endala ekitansobozesa kuberayoo okutuusa mu kiseera ekyo, n'olw'ekyo nja kubaayo olunaku Iwokuna n'olwokutaano, eyo mu Albuquerque, New Mexico.

Ate olwo — kati olwo e — oluddako, olumanyiddwa, oluli okumpi, olunaasoboka. Mazima tetumanyi. Awo nja kuba ne mikwano gyange abalungi, e — ekibiina kya The Midnight Cry, e . . . eyo mu Southern Pines, North Carolina. Era kati bali eyo bawuliririza ku ssimu, kwe baawererezza obubaka obwa teregulaamu, n'ebiri bityo, oluseembedde, olw'abantu abalala, ku Little Rock; olw'abantu ba Jesus' Name be nnakunjaanako nabo, mu Cow Palace mu kyeya ekyayita. Balina olukunjaana Iwabwe mu Little Rock, mu Arkansas. Era okuva omwaka oguwedde, babaddenga, baagala lubengawooko waakiri olunaku lumu. Oba, yonna, naye era nga basobola okwetegekera wadde lunaku lumu.

23 Kale ne mbagamba, nga simanyi kya kukola, nti, musobola okululanga, nga "kiyinzika." oluvannyuma bakimanyise. Akubye essimu? Uh-huh. Kale. Agambye ki? [Ow'oluganda agamba, "Hot Springs." — Omuk.] Mu Hot Springs, bwe kiri? Mbadde mpubbiddwa. ["Ng'abiri-mu-nnya." Abiri-mu-nnya ogwa . . . ["Maayi."] Maayi? [Wabaawo agamba, "Ng'abiri-mu-nnya okutuuka ng'abiri-mu-munaana Juuni."] "Ng'abiri-mu-nnya

okutuuka ng'abiri-mu-munaana Juuni." Kati lulangiddwa, "Osanga," ekyo kiri nti, "bwe kuba nga kwe kwagala kwa Mukama."

Mukiraba? Nja . . . Eno y'ensonga Iwaki njagala okukola ebintu ebyo. Kati, mujja kukitegeera oluvannyumako, olaba. Bwe mbaako we nngenda, njagala nngendeyo, nga mmanyi nti Katonda Agambye nti, "Gendayo." Olwo omulabe bw'agolokoka okuva awantu wonna, mmugamba, "Ndi wano mu Linnya lya Mukama Yesu. Ddayo!" Mukiraba? Mukiraba? Era oba — oba mukakafu, nti oli munywevu, olaba.

Bw'Abaako w'Akutumye, Ajja kukulabirira. Mukiraba? Naye bw'ogenda, ng'oteebereza, olwo mba simanyi; Ayinza obutabaayo. N'olw'ekyo nze — mba njagala kuba mukakafu ddala. Ntambudde emirundi mingi, nga Tanngambye kugenda, naye nze — njagala okukakasiza ddala nga bwe nsobola. Mukama Abawe omukisa mwenna kaakati.

24 Kati, weetegereze kaakati, luno nga bwe luli olunyiriri olumu Iwokka, twandyagadde tusooke tubeeko kye tukola katono — katono nga tetunnajja wano. Mwakyegenderezza, essuula eyo 7 twagibuuse. Essuula eyo 6 eggwaako n'Akoomukaaga, Akabonero Akoomukaaga. Naye, wakati w'Akabonero Akoomukaaga n'Akoomusanvu, waliwo ekigenda mu maaso. Mulaba? Era e — nga kiteekeddwa bulungi mu kifo kyakyo ekituufu, wakati w'essuula eyo 6 n'essuula eyo 7.

Kati, mulaba mu ssuula eyo 7, tulaba nti, wakati Akoomukaaga, n'Akoomusanvu, waliwo ebbanga. Ebbanga wakati w'essuula eyo 6 n'essuula eyo 7 mu Kitabo ky'Okubikkulirwa, era liri wakati w'Akabonero Akoomukaaga n'Akoomusanvu ebbanga lino we liweerwa. Kirungi nnyo tulabe akaseera kano.

25 Kati mujjukire, oluvannyuma Iw'essuula eyo 4 ey'Okubikkulirwa, Ekkanisa eba egenze. Oluvannyuma Iwa — abavuzi b'embalaasi ennya nga bavuddewo. Nga n'Ekkanisa egenze. Mukiraba? Ebintu byonna ebibaawo ku Kkanisa, bibaawo okutuusa ku ssuula eyo 4 mu Kitabo eky'Okubikkulirwa. Byonna ebibaawo mu kukola kw'omulabe wa Kristo, bibaawo kutuuka ku ssuula yaakuna. Era Akabonero Akookuna ak'omu Okubikkulirwa, bombi omulabe wa Kristo ne Kristo, mwe bikoma. Omulabe wa Kristo atuuka ku nkomerero ye, n'eggye lye; ne Kristo Ajja n'eggye Lye.

Lutalo Iwa dda nnyo olwatandika edda eyo, ng'ebiseera tebinnabaawo. Era olwo baali . . . Setaani ne bamalayika be baasuulibwa ebweru, olwo ne bajja ku nsi. Olutalo ne luyinda nate, kubanga Kaawa yamenya olukomera olwali lumukomera, mu Kigambo kya Katonda. Okuva kiseera ekyo, Setaani yawangula olutalo ku Kigambo kya Katonda, kubanga omu ku bantu ba Katonda, omunafu, yalebera.

26 Era bw'atyw bw'awanguddenga olutalo buli kiseera, kibadde bwe kityo kubanga omu ku bantu ba Katonda yalebera mu Kigambo kya Katonda. Era kyakolebwa mu mulembe gw'ekkanisa guno ogusembayo, okuyita mu nkola y'ekibiina. Ekkanisa Entukuvu, eyannamaddala, eya Katonda Omulamu, wamu n'omuvizi w'emabalaasi omulimba, bwe batakkiriza Kigambo, naye n'akyusa ekkanisa n'agiggya ku Kigambo n'agitwala ku biyyiye.

Kati, bameka abamanyi nti Ekereziya Katolika eya Rooma ezimbiddwa ku biyyiye? [Ekibiina kiddamu, "Amiina." — Omuk.] Bakikkiriza? Ky'ekyo. Ddala. Mazima, bakikkiriza. Si ky'ekyo kyokka. Ekereziya Katolika, ddala, tekibalumya mitima n'akatono, kubanga ekyo bakimanyi. Baakagattako ekirala kimu ekipya, wano jjuuzi, nti Malyamu yazuukira. Mukijukira wano emyaka mitono egiyise, emyaka nga kkumi. Bameka ekyo abakijukira? ["Amiina."] Wano, mu mawulire. Mazima. Mukiraba? Buli kintu, "ekiyiiye" ekipya. Mulabeeyo, byonna biyyiye, si Kigambo. Mukiraba?

27 Omusosodooti omu, jjuuzi wano bwe twali twogeraganyaamu, yagamba, "Mwami Branham," era, "Katonda Ali mu kkanisa Ye."

Nze ne mmugamba, "Katonda Ali mu Kigambo Kye."

Ko ye, "Tetusaanye kuwakana."

Ne mmuddamu nti, "Siwakana. Njogera bwogezi. Katonda Ali mu Kigambo Kye. Ekyo bwe kiri. 'Omuntu yenna alitoolako ekintu kyonna, oba alyongerako ekintu kyonna,' Ekigambo bwe kyagamba."

N'anngamba, "Kale, Katonda Yawa . . . Kristo Yawa Ekkanisa Ye amaanyi, n'Abagamba: buli kyonna kye banaasibanga ku nsi, ne mu Ggulu kirisibibwa; era na . . ."

Ne mmugamba, "Ago ge Mazima gennyini."

N'anziramu, "Tulina, ku . . . ku nkola eno, nti tulina obuyinza okusonyiwa ekibi."

Ne njamba, "Bwe munaakikola mu ngeri gye kyaweebwamu Ekkanisa, n'engeri gye baakikolamu, nja kukikkiriza. Bw'onookikola, amazzi weegali wano, 'okukubatiza mu Linnya lya Mukama Yesu Kristo olw'okuggibwako ebibi byo,' olaba, si muntu kukubuulira nti ebibi byo bikuggiddwako." Mukiraba? Mukiraba? Ky'ekyo ddala.

28 Laba Peetero ng'ali n'ebisumuluzo, ku lunaku Iwa Pentekoote. Jjukira, y'alina ebisumuluzo ebyo ebyoyerwako. Era a — abasajja ne bagamba, "Abasajja ab'oluganda, tukole tutya okulokoka?"

Peetero n'abagamba, "Mwenenye, buli muntu mu mmwe, mubatizibwe mu Linnya iya Yesu Kristo"

(Lwaki?) "olw'okuggibwako ebibi byammwe, era olwo munaawebwa ekirabo eky'Omwoyo Omutukuvu. Kubanga ekisuubizo kyammwe, n'eri abaana bammwe, n'abo abali ewala, n'abo bonna Mukama Katonda waffe Baaliyita." Ky'ekyo. N'olw'ekyo ky'ekyo emirembe n'emirembe. Kiwedde. Ekyo kyakikola.

Kati, naye, mulabeeyo, omulabe wa Kristo yayingira, nga bwe tukirabye. Okubikkulirwa ng'okwo! Abange, abange! Okukirowoozaako, emyaka gino gyonna, bwe tukirabye nga kitambula. Era wano kirabikira ddala nti, BW'ATYO BW'AYOGERA MUKAMA.

29 Kati, era tulaba ebbanga lino kati, eriri wakati w'essuula eyo 6, n'eyo 7. Kati, essuula eyo 7 ey'Okubikkulirwa, wano we wa — wa . . . awabikkula ekigenda mu maaso. Teririwo wano Iwa bwereere. Teryateekebwawo, wakati wano, Iwa bwereere. Okiraba? Liriwo Iwa kigendererwa, era kwe kubikkulirwa okulina kye kubikkula.

Mwetegereze, mu kyama ne mu miwendo ngeri gye kiri ddala mu Byawandiikiba! Okiraba? Ddala ddala. Mukkiriza mu miwendo gya Katonda? [Ekibiina kiddamu, "Amiina." — Omuk.] Bwe muba temukikkirizaamu, mazima mwawaba mu . . . Mazima mujja kuwaba ku Kigambo, Bwe mutandika okuteeka nnya oba omukaaga, oba — oba kyonna, n'otambuliza emiwendo mu ntegeesa yaagyo. Mazima mujja kulabamu, ente ng'erya muddo ku muti, awantu. Era mazima ojja kubivaamu. Kubanga, Katonda Takola . . . Ekigambo Kye kyonna kigendera mu — mu — mu miwendo. Yee, ssebo! Kituukiridde, ekituukiridde ddala! Tewali buwandiike bulala bukyenkana, obulinga kyo, kituukiridde ddala mu mi — miwendo.

30 Kati, e — essuula eyo 8 ye yokka ebikkula okulabika kwa — okulabika kw'Akabonero Akoomusantu, awatali kintu kyonna kibikkuddwa, kati, tewali. Tekibikkuddwa mu Kabonero Akoomusantu . . . kati, tewali we kakwataganirako na ssuula eyo 7 eya — ey'Okubikkulirwa. Akabonero Akoomusantu, kye kabikkula, kasiriikiriro. Era singa mbadde n'obudde . . . nja kugezaako katono, okukibalaga. Okuviira ddala eyo, mu Lubereberye, essuula eno eyo 7 . . . oba Akabonero kano Akoomusantu kye — kye — kye koogerwako. Okuviira ddala ku ntandikwa, mu Lubereberye, Akabonero kano ako- . . . Obubonero buno bwagendera ddala waggulu.

Temujjukira, bwe nnaleese ebintu bino, enkyo ya leero? Leero, mwetegerezza, bwe mbireese. Ne kiraba nti, bwe gutuuse ku Kabonero Akoomusantu, n'asalako. [Ow'oluganda Branham akuba entoli omulundi gumu — Omuk.] Yee. Yesu Kristo, Yennyini, bwe yali ng'Ayogera, Yayogera ku kiseera eky'enkomerero. Era bwe Yatuuka . . . Yayogera ku Bubonero bwonna omukaaga. Bwe Yatuuka ku Koomusantu, n'Akoma awo. Kiikyo, olaba. Kintu kikulu.

31 Kati, kati tugenda kwogera wano kati ku ssuula eyo 7, katono nnyo, mu — mu ngeri y'okuteekamu, wakati w'Akabonero Akoomukaaga n'Akoomusantu. Kubanga, ekyo kye kyokka kye tulina okugendako, kaakati, Akoomukaaga . . . wakati w'Akabonero Akoomukaaga n'Akoomusantu, we wali okuyitibwa kwa Isiraeri.

Kati, nnina mikwano gyange bangi abalungi aba Jehovah Witness abali wano, ekyo kye . . . manya abaali. Osanga n'abamu bakyali ba Jehovah Witness. Naye bulijo bateekamu, nga Mwami Russell bwe yakola, bano emitwalo ekkumi-n'ena-mu-enkumi- ennya, okubeera Omugole wa Kristo ow'Obwakatonda. Mukiraba? Ba . . . Si bwe kiri. Tekirina we kikwatagana na mulembe gwa kkanisa, n'akatono. Isiraeri yokka. Kati, mu ddakiika ntono tugenda kusoma. Kati, ebbanga lino, wakati w'akoomukaaga . . . Obubonero, kwe kuyitibwa n'okussa envumbo ku Bayudaaya emitwalo ekkumi-n'ena-mu-enkumi- ennya, abayitibwa mu kiseera eky'Ekiponyoobonyo, Ekkansa ng'emaze okugenda. Mukiraba? Tekirina we kikwatagana na mirembe gya kkanisa, n'akatono. Oh, bayitibwayo, era kituukaganira ddala bulungi n'Ebyawandiikiba. Ssabiiti za Danyeri essatu n'ekitundu ezisembayo, ezaaweebwa "abantu," ba Danyeri, olaba, si Abaamawanga. Eri "abantu," ba Danyeri, era Danyeri yali Muyudaaya!

32 Kati mweetegereze, Isiraeri, Isiraeri ekkiriza bannabbi baayo bokka, era, ekyo bakikola nga bamaze kulabisibwa. Kati tewali wantu wonna mu mirembe gy'ekkanisa, wadde mu kkanisa y'Abatume eyasooka, ekkanisa y'Abapulotesitante Iwe yali ebaddeko ne nnabbi. Mumbuulire yali ani, era mugindage. Tekibangawo! Baalinayo omu, mu mulembe gw'Abatume ogwasooka ayitibwa Agabo, eyali nnabbi ayoleseddwa. Naye mu . . . Abaamawanga bwe baayingirawo, mu busika bwa Katonda, Pawulo n'akyukira Abaamawanga. Oluvannyuma Iwa Peetero, nga bwe twasomye jjo, ng'amaze okufuna okuva eri Mukama, nti, "Yali aggya a — abantu mu Baamawanga, olw'Erinnya Lye, Omugole We," n'olw'ekyo tekibangawo, mu byafaayo, nnabbi ava mu Baamawanga.

33 Kati ggwe ddayooko mu byafaayo onoonye. Lwaki? Ddala, kijja kukontanira ddala n'Ekigambo. Mazima gennyini! Ekyasooka bwe kyavaayo, yali mpologoma, ekyo kye kyali Ekigambo kya nnabbi. Ekyaddako

okuvaayo, kwali kukola, ssaddaaka. Ekyaddako okuvaayo, bwali bukujukujju bwa — bwa muntu. Naye twasuubizibwa, mu nnaku ez'oluvannyuma, ekyo okukomawo nate eri Ekkisa, olw'okulongooseza ddala ebyo byonna ebyakyamizibwa, ebitabaddewo, ebitaakolebwa, ebyasigala nga tebikoleddwa. Kubanga, kyalagulwa wano nti Obubaka bwa malayika Owoomusanvu bugenda kumaliriza ebyama bya Katonda. Era, kati, byonna tubiyiseemu. Era tulabye nga bikwataganira ddala bulungi n'Ebyawandiikiba. Eyo y'ensonga.

34 Kati, oyinza okufumiitirizaamu, omuntu ono bw'alirabisibwa? Jjukira, bw'alirabisibwa, aliba mukkakkamu nnyo n'ebiri bityo, okutuusa n'amakanisa lwe galikisubwa. Era oyinza okufumiitiriza, amakanisa, agakyali wansi w'obulombolombo bw'abaddaabuluzi, nti gasobola okufuna nnabbi okuva eri Katonda, oyo aliymirira n'awakanyiza ddala enjigiriza zaabwe n'ebibiina by'amadiini?

Kati, waliwo omuntu omu yekka ekyo asobola oktuukiriza, Omwoyo gumu gwokka gwe mmanyi, ogwali gubadde ku nsi. Guyinza okuba ogwa . . . Gulina kuba gwa Eriya, mu kiseera kye. Era kyalagulwa nti bwe kiriba, nga si kirala wabula Omwoyo gwa Kristo. Kristo bwe Yajja, Ye Yali obujuvu. Yali nnabbi. Ye Yali — Katonda wa bannabbi. Mukiraba? Mukiraba?

35 Kristo, mulabe nga bwe baamukyawa. Kyokka Yajjira ddala ng'Ekigambo bwe kyagamba nti bw'Alijja. Naye nga bwe kyalil nti Yali Nnabbi, bo bennyini bavvoola ne bejja ku Bwakabaka bwa Katonda, nga bayita Omwoyo wa Katonda, oyo eyali ayawula emyoyo n'ebirala, "omwoyo omubi." Baagamba nti, "Yali e — Yali mulaguzi oba Setaani," ky'ekyo. Omulaguzi aba Setaani, olaba, mwovo gwa Setaani. Ddala ddala. Ekyo mubadde mukimanyi? [Ekibiina kiddamu, "Amiina." — Omuk.] Ky'ekyo kyennyini. Okweraguuliriza kuba kugegeenya nnabbi, ng'ekyo kuvvoolera ddala mu maaso ga Katonda.

36 Kati weetegereze. Bayitibwa, kikwataganira ddala n'Ebyawandiikiba, eby'emyaka essatu n'ekitundu egya Danyeri. Mwetegereze, abakkiriza ba Isiraeri — abakkiriza kyokka kye bagambibwa, mu Ndagaano Enkadde, okukkiriza bannabbi baabwe nga bamaze okukakasibwa. "Bwe wabaawo omu mu mmwe, ow'omwoyo, oba nnabbi, Nze, Mukama mwe- . . . Katonda wammwe, Ndyemanyisa gy'ali, era njogera naye mu kwolesebwa, mu birooto, n'okuvvuunula ebirooto."

Waliwo alina ekirooto, nnabbi ajja kusobola okukivvuunula. Era bwe — bw'aba afunye okwolesebwa, akwogere. "Ndyemanyisa gy'ali okuyita mu kwolesebwa n'ebirooto, ndyemanyisa. Era kyayogera bwe kituukirira, olwo nnabbi oyo mumuwulire, kubanga Ndi naye. Bwe kitatuukirira, olwo temumuwliriza n'akatono." Yee. Ky'ekyo. "Mumuveeko; mumuleke, olaba."

37 Kati ekyo . . . Kati, ekyo Isiraeri ky'egenda okukkirizanga. Kati temulaba? Lwa nsonga ki? Kati njagala essomo lino mulitegeere bulungi, leero, kati. Lwaki? Kubanga, ekyo kiragiro gye bali, ekyava eri Katonda. Sifaayo ku bupapula bumeka Abaamawanga bwe bawerezaayo eyo ne babusaasaanya. Sifaayo ku mirundi emeka gy'ogenze mu Isiraeri ne Bayibuli yo mu nkawawa okukakasa kino, kiri, oba ekirala; tebagenda kubaako kye bakkiriza wabula nnabbi. Ekyo bwe kiri ddala. Kubanga, nnabbi ye muntu yekka eyali ayinza okuddira Ekigambo ekitukuvu n'akiteeka mu kifo kyakyo, era n'abeera nnabbi akakasiddwa. Bajja kumukkiriza. Ky'ekyo.

38 Nnali njogerako n'Omuyudaaya wano ku Benton Harbor, John Ryan oyo, eyali omuzibe w'amaaso, kumpi obulamu bwe bwonna, bwe yalaba. Bantwalayo, mu nnyumba ya David. Labbi ono n'avaayo n'ekirevu kye ekiwanvu. N'agamba, "Okozesezza buyinza ki okuzibula amaaso ga John Ryan?"

Ne njamba, "Mu Linnya Iya Yesu Kristo, Omwana wa Katonda."

Yagamba, "Kiddire eri Katonda okuba n'Omwan!" Okiraba? N'anngamba, "Bantu mmwe Katonda temuyinza kumusalamu bitundu bisatu ne mumuwa Omuyudaaya. Mumukolamu bakatonda basatu; muli bakaafiri!"

Ne mmuddamu, "Simusalamu bitundu bisatu." Nti era, "Labbi, tekiibe kipyga gy'oli ggwe okukkiriza nti omu ku bannabbi bammwe yayogera ekintu ekikyamu?"

N'anngamba, "Bannabbi baffe teboogera kintu kikyamu."

Ne mmubuuza, "Isaaya 9:6 yali ayogera ku ani?"

N'anziramu nti, "Masiya."

Ko nze, "Kitegeeza, Masiya aliba Omuntu-Nnabbi. Ekyo bwe kiri?"

N'anngamba, "Yee, ssebo. Ky'ekyo."

Ko nze, "Ndaga Yesu w'Ataakituukiriza." N'agamba . . . Ko nze, "Luganda ki oluliba wakati wa Masiya-Nnabbi ne Katonda?"

N'anziramu nti, "Aliba Katonda."

Ko nze, "Ky'ekyo. Kati, okitegeeredde ku Kigambo." Kale kyannyamba, ku Muyudaaya oyo ng'ali awo ng'amaziga gamukulukuta, n'agamba, "Nja kukuwuliriza eddako."

Ne mmubuuza, "Labbi, ekyo okikkiriza?"

N'anngamba, "Laba," nti, "Katonda Asobola okuyimusiza Ibulayimu abaana okuva mu mayinja gano."

Ne mmanyia nti ali mu Ndagaano Mpya. Ne njamba, "Kale, Labbi! Kaakati ate ekyo?"

N'agamba, "Singa ekyo kye mbuulira, nnandibadde eyo," omanyi ekifo kyabwe kiri eyo ku lusozi, "eyo ku luguudo, nga nsabiriza emmere."

Ne njamba, "Waakiri okubeera eyo ne nsabiriza emmere." Omuyudaaya ng'akyali ku ssente, nga bw'omanyi. Mukiraba? Mukiraba? "Wakiiri okuba . . ." era erinnya lye nga liri mu zaabu ku . . . Ne njamba, "Waakiri okubeera eyo, ne ndya obuntuntu n'okunywa amazzi agalegama mu matabi g'emiti, naye nga mmanyia nti ndi bulungi era omwesimbu, ne Katonda; okusinga okubeera wano n'erinnya lyange ku kizimbe, nga liwandiikiddwa mu nnukuta eza zaabu bwe lityo, naye nga mmanyia nti nava ku Katonda. Ekyo nkimanyi." Yali tayinza kumpuliriza nate, bw'atyo n'ayingira.

39 Naye ky'ekyo. Katonda tosobola kumukutulamu bitundu bibiri oba bisatu, ebiytibwa "Kitaffe, Omwana, n'Omwoyo Omutukuvu," n'okolamu Bakatonda basatu n'okiwa Omuyudaaya. Ettteeka Lye lyennyini liri, "Tobanga na bakatonda balala we ndi. Nze Mukama Katonda wo." Yesu Yagamba ki? Yesu Yagamba, "Wulira ggwe, Isiraeri, Nze Mukama Katonda wo. Katonda Omu." Si basatu; ekyo tolilikibawa. Nedda. Tewali nnabbi alyogera ku Bakatonda basatu. Nedda. Tewali wadde. Ekyo togenda kukiwlirako. Nedda, ssebo. Obwo busamize era obukaafiiri nga gye kyava. Yee, ssebo.

40 Weetegereze. Naye bannabbi bano bagenda kujja. Si ekyo kyokka . . . Ba — bannabbi, kati, mu Okubikkulirwa 11. Tubasomyeko. Era njagala mukisome nga bwe muyiga, ku ntambi n'ebirala. Bannabbi abakakasiddwa ddala, n'akabonero ka bannabbi. Olwo Isiraeri ekyo ejja kukiwlirira.

Kati, gye muli, mikwano gyange ba Jehovah Witness, mukitegeere kaakati, nti bano emitwalo ekkumi'-ena-mu- enkumi-ennya tebalina we bakwatagana na Mugole. Tewaliwo Kyawandiikibwa kyonna ekikiwigira. Nedda, ssebo. Si beebo. Bayudaaya. Abalonde abayitibwa mu kiseera ekyo ekya ssabbiiti essatu n'ekitundu mu ssabbiiti za Danyeri ensanvu. Kati ekyo . . . Nze — kino nziramu emirundi n'emirundi okukinokolayo. si nnyo gye muli mwenna wano, naye, olaba, abantu, entambi zino gye zigenda wonna, olaba. Era ekyo mukitegeera. Mumpulira nga nziramu okunokola. Nkikola lwa kigendererwa ekyo.

41 Weetegereze. Kati mulabe bwe baalina, okuziba amaaso, mulaba bwe baalina . . . Yesu, manya . . . Katonda Yalina okuziba Abayudaaya amaaso, okubaziyyiza okumanya Yesu. Singa baamanya, singa baamanyaako nti ekyo . . . Bwe baalaba akabonero ke Yakola, singa baali awo awatuufu, nga bwe baali edda eyo nga bali ku mateeka Katonda ge Yabalagira ku bikwata ku nnabbi, ate ne balaba Yesu ng'Akikola ekyo, bandigambye, "Ono ye Masiya." Lwaki kyali bwe kityo?

42 Abo ab'omu mulembe ogwo, abaalina amannya gaabwee nga gaawandiikibwa mu Kitabo ky'Obulamu eky'Omwanwa gw'Endiga, abatume Be n'abalala, baakiraba era ne bakitegeera. Lwaki bo abalala tebaakitegeera? Mulabe, baazibibwa amaaso. Tebaayinza kukiraba. Era, tebannaba kukiraba. Era tebagenda kukiraba okutuusa ng'azaaliddwa ng'eggwanga, lumu. Ekyo . . . Ekigambo tekiyinza kulemererwa. Jjukira, Ekigambo tekisobola kulemererwa. Sifaayo obuguumiridde emirundi emeka, n'ebyo byonna ebibeerawo, Ekigambo kyo tekiyinza kulemererwa. Kigenda kuberera ddala nga Katonda bwe Yagamba. Mukiraba?

43 Eyo y'ensonga Iwaki Yesu tebaamutegeera ate nga Yeeragira ddala Mwene nti Yali Nnabbi. Olaba ne — bambi omukazi Omusamaliya omukadde eyali eyo ku luzzi. Yali tabeerangako mu Samaliya; Yagendayo, Yagamba kyali kimwetaagisa okugendayo eyo, bw'Atyo n'Agendayo. Era waaliyo omukazi oyo bambi. Omukazi, mu mbeera ye, yali asobola okukkiriza Enjiri okusinga bakabona abo ab'amadiini n'ebyonna eby'omu nnaku ezo. Era yakikola. Ddala ddala. Kati olaba? Naye, mu kugaana kwabwe kwonna, ate omu ku bantu baabwe abaali basingayo okuba ab'ebitiibwa yakikkiriza nti baamanya nti Yali muyigiriza eyatumibwa Katonda.

44 Gye buvuddeko katono, nnali njogerako n'omu ku basawo abasinga obulungi eyo mu masaza g'omu bukiika dyo, mu woofisi ye. Kakensa nnyo mu Louisville, omusajja omuzira ddala. Nnamugamba, nti, "Musawo, njagala nkubuuze ekibuuzo."

N'addamu nti, "Kale."

Ko nze, "Neetegerezza akabonero kammwe ak'ebi'eddagala, omuggo. Mulina omusota oguzingiriddwa ku muti. Ekyo kitegeesa ki?"

N'anziramu nti, "Simanyi."

Ko nze, "Kiraga kino: Kaali kabonero ka kuwonyezebwa okw'Obwakatonda, Musa bwe yawanika omusota ogw'ekikomo mu ddungu, olaba, akaali akabonero obubonero, akabonero obubonero aka Kristo Omuluufu." Kati, leero, eddagala kabonero ka kuwonyezebwa okw'Obwakatonda. Era newankubadde nga bangi ku bo tebakikkiriza, abasawo abatuufu aba ddala bakikkiriza. Naye abamu ku bo tebakikkiriza. Naye bendera yennyini gye bakwata ejulira Amaanyi ga Katonda Ayinza Byonna, oba baagala okukikkiriza oba nedda . Mukiraba? Ky'ekyo. Waliwo omusota ogw'ekikomo oguleebetera ku muti, ku bendera y'eb'yeddagala.

45 Kati mwetegereze Abayudaaya bano. Kati, amagamba g'obuzibe bw'amaaso gaali ku maaso g'abantu bano. Bo, baali tebasobola kukyebeera, kyali awo, Katonda Ye Yakiteekawo. Kigenda kuberawo okutuusa mu mulembe gwe baasuubizibwa bannabbi bano ab'okuja. Oyinza okusindikayo ababuulizi; oyinza okukola kyonna ky'oyagala; Isiraeri tegenda kukyusibwa okutuusa nga bannabbi bano balabisiddwa, era ekyo kya kubaawo oluvannyuma Iw'Okukwakkulibwa kw'Ekkanisa ey'Abaamawanga. Kyali Tekiyinzika omulembe gw'ente ennume okutwala obubaka obw'okuyitibwa kw'empologoma, kubanga Katonda yali Amaze okulagira mu Kigambo Kye omwoyo gw'ente ennume okufuluma. Era mu mulembe gw'abaddaabuluzi, omuntu yavaayo. Mukiraba? Ggwe . . . Ekyo ky'ekintu kyokka kyo . . . kye bakkiriza. Ekyo . . . Era, omwo kati, baazibibwa amaaso. Eyo y'ensongwa Iwaki kiri bwe kityo.

Kati mwetegereze. Naye omulembe gujja Abaamawanga Iwe balikoma. Waaliwo omuti, emirandira gyali nya Kiyudaaya, ne gutemebwa; Abaamawanga ne basimbibwamu, "omuzeiyituuni, ogw'omu nsiko" era guteekako ebibala byagwo. Kati, Omugole oyo Owaamawanga bw'alalisibwako, Omuti Omugole ogwo gwe nnayogeddeko, ng'atwaliddwa mu kuberawo kwa Katonda; Katonda Alisangulawo Abaamawanga abo abatakkiriza, n'abateeka eno (embeerera abeebase), agusimbe nate. Yasuubiza okukikola. Era okutuusa mu kiseera ekyo, wali nya tosobola kumanya . . . Bw'oba omanyi gy'olaga, kale, ky'ekyo. Bw'oba tomanyi, kale, ng'obulubuutira mu kizikiza.

46 Kati, awo Abayudaaya we balikyusirwa, mu mulembe ogwo. Kati, ng'omulembe gw'ekkanisa, wansi w'amaanyi ag'ekisuubizo ekifukiddwako amafuta, balisembeza Kristo; naye, kati, si nya Abaamawanga bakyalimu.

Kati tusobola okulaba Bubaka bwa kika ki bannabbi bano ababiri ab'omu Okubikkulirwa essuula 11, bwe balibulira. Kati osobola bulungi okulaba kiki kyennyini kye bagenda okukola. Kubanga, abaasigalawo, manya abaayawulibwa emitwalo ekkumi-ena-mu-enkumi-enna, bafuna Akabonero ka Katonda.

47 Leka tusome. Kati muwulirize nnyo. Kati njagala musomere wamu nange, bwe muba musobola, kubanga nngenda kujulizaako katono emabega ku kino. Essuula eyo 7, kati, kino kiri wakati w'Akabonero Akoomukaaga n'Akoomusantu.

. . . oluvannyuma lwa bino—

Oluvannyuma lwa bino (Obubonero buno) . . . Akabonero Akoomukaaga kaasumululwa, era ng'ekyo ky'ekiseera eky'Ekiponyoobonyo. Ekyo mwenna kati mukitegeera? [Ekibiina kiddamu, "Amiina." -Omuk] Akabonero Akoomukaaga kaasumululwa, era Ekiponyoobonyo kyali kigenda mu maaso. Oluvannyuma lwa bino, ebiki? .

Oluvannyuma ne ndaba bamalayika bana nya bayimiridde ku nsonda nnya ez'ensi, nya bakutte empewo nnya ez'ensi, empewo yonna ereme okukunta ku nsi, newankubadde ku nnyanja, newankubadde ku muti gwonna. (Bamalayika bana!)

Ne ndaba malayika omulala ng'alinnya okuva ebuvanjuba, ng'alina akabonero ka Katonda omulamu: n'ayogerera waggulu n'eddoboozi ddene ng'agamba bamalayika abana, abaaweebwa okwonoona ennyanja, ensi . . . ennyanja,

Ng'ayogera nti, Temwonoona nsi, newankubadde ennyanja, newankubadde emit, okutuusa Iwe tulimala okuteeka akabonero ku abaddu . . .

Si Omugole. "Abaddu." Si abaana, "Abaddu." Isiraeri bulijo babaddenga baddu ba Katonda. Ekkanisa, be baana, olaba, okuyita mu kuzaalibwa. Isiraeri baddu Be. Mwekkaanye, buli wamu, bwe kibaddenga. Ibulayimu yali muddu We. Tetuli baddu. Tuli baana, ab'obulenzi n'ab'obuwala. Yee. . . . ku ba

. . . aba Katonda waffe ku byenyi byabwe. Kati mwekkaanye. . . . Katonda waffe mu byenyi byabwe.

Ne mpulira omuwendo gwabwe abaateekebwako akabonero: . . . Kati njagala muwulirize nnyo nya tukisoma. . . . baali kasiriivu mu obukumi buna mu enkumi nya, abaateekebwako akabonero mu buli kika ky'abaana ba Isiraeri.

48 Yaboogerera ddala amannya. Kati, bwe waba nya waliwo Omungereza-Omuyisiraeri atudde wano, asobola okulaba n'ategeera, wuliriza kino engeri gye kikiraga obulungi, olaba.

Ab'omu kika kya Yuda abaateekebwako akabonero kakumi mu enkumi bbiri. (Abaayitibwa "ekika.")

Ab'omu kika kya Lewubeeni kakumi mu enkumi bbiri. Ab'omu kika kya Gaadi . . . kakumi mu enkumi bbiri: Wekkaanye e — wekkaanye ebika byo kati.

Ab'omu kika kya Aseri kakumi mu enkumi bbiri. . . . b'omu kika kya Nafutaali kakumi mu enkumi bbiri. . . . b'omu kika kya — kya Manase . . . kakumi mu enkumi bbiri.

Ab'omu kika kya Simyoni . . . abaateekebwako akabonero kakumi mu enkumi bbiri: Ab'omu kika kya — kya Leevi abaateekebwako akabonero kakumi mu enkumi bbiri. Ab'omu kika kya Isakaali . . . kakumi mu enkumi bbiri. (Isakaali, ndowooza, bwe kyatulwa.) . . . kakumi mu enkumi bbiri. . . .

Mu kika kya Zebbulooni . . . kakumi mu enkumi bbiri. Ab'omu kika kya Yusufu abaateekebwako akabonero kakumi mu enkumi bbiri. Bonna ab'omu . . . Ab'omu kika kya Benyamini abaateekebwako akabonero kakumi mu enkumi bbiri.

49 Kati, waliwo ebika kkumi na bibiri, kakumi mu enkumi bbiri mu buli kika. Kkumi-na-bbiri emirundi kkumi-na-bbiri . . . ziba mmeka? [Ekibiina kiddamu, "Emitwalo kkumi-n'ena-mu-enkumi- nnya." — Omuk.] Emitwalo kkumi-n'ena-mu-enkumi-nnya. Kati mwekkaanye. Bonna, baali ba mu bika bya, Isiraeri. Kati mwekkaanye. "Oluvannyuma lwa kino . . ." Kati wano wajjawo ekibinja ekirala. Kati, Omugole aba agenze, ekyo tukimanyi. Naye mwekkaanye ekibinja kino abajja.

Oluvannyuma lw'ebyo ne ndaba, era, laba, AKABONERO AKOOMUSANVU ekibiina kinene omuntu yenna ky'atayinza kubala, mu buli ggwanga, . . . ebika, n'abantu n'ennimi, nga bayimiridde mu maaso g'entebe, ne mu maaso g'Omwana gw'Endiga, nga bambadde ebyambalo ebyeru, n'amatabi g'enkindu mu mikono gyabwe;

Ne boogerera waggulu n'eddoboozi ddene, nga boogera nti, Obulokozi buba bwa Katonda waffe atudde ku ntebe, n'eri Omwana gw'Endiga.

N'amawanga gonna . . . baali bayimiridde nga beetoolodde entebe, n'abakadde n'ebiramu ebina, ne bavunnama amaaso gaabwe mu maaso g'entebe, ne basinza Katonda,

Nga boogera nti, Amiina: Omukisa, . . . ekitiibwa, . . . amagezi, . . . okwebaza, . . . ettendo, . . . obuyinza, . . . amaanyi, bibenga eri Katonda wajfe emirembe n'emirembe. Amiina.

Omukisa, . . . baali bayimiridde nga beetoolodde entebe, n'abakadde n'ebiramu ebina, ne bavunnama amaaso gaabwe mu maaso g'entebe, ne basinza Katonda,

50 Kati, Yokaana, nga bwe yali Omuyudaaya, yategeera abantu be. Yabalaba nga bali mu ngeri ya bika. Ekyo si bwe kiri? Yabategeera n'ayita buli kika. Naye kati, bwe yalaba bano, yasoberwa. Era omukadde ye yali abamanyi, bw'atyo n'abuuza: . . . Bano be baani abambadde ebyambalo ebyeru? Era bava wa? Yokaana, kati ayanukula:

Ne mmugamba nti, Mukama wange, ggue omamyi. Yokaana yali tabamanyi, olaba; ebika byonna, ennimi, n'amawanga. . . . N'anngamba nti, Bano be . . . . . n'anngamba, Bano be baava mu kubonaabona kuli okungi, (mu ngeri endala, Ekibonyoobonyo eky'ekitalo), ne bayoza ebyambalo byabwe, . . . ne babitokuza mu musaayi gw'Omwana gw'Endiga.

Kye bavudde babeera mu maaso g'entebe ya Katonda, ne bamuweerezanga emisana n'ekiro mu yeekaalu ye: ne ba . . . n'oyo atudde ku ntebe alitimba eweema ye ku bo.

Tebalirumwa njala nate, so tebalirumwa nnyonta nate; so omusana tegulibookya — omusana tegulibookya nate, okwokya kwonna:

Kubanga Omwana gw'Endiga ali wakati w'entebe y'anaabalundanga, era alibaleeta eri enzizi ez'amazzi ag'obulamu: era Katonda alisangula . . . buli zziga mu maaso gaabwe.

51 Kati tubikkue . . . tutuuka ku Kabonero. Mwali mwetegerezza, nti baali . . . Okusooka, ka tutandike kati, ne Isiraeri. Kati olwo ne tulaba ekkanisa ennongoose, si Omugole; ekkanisa eyalongoosebwa, n'Ekibonyoobonyo, olaba, olaba, ng'ejja wano, omuwendo omunene ennyo ogw'abantu ab'emitima emyesimbu abaava mu — mu Kibonyoobonyo eky'ekitalo. Si Ekkanisa; yo eba emaze okugenda, Omugole. Ekkanisa yiyo.

Kati tukiraba nti, oluvannyumako, Yesu Yagamba nti Nnamulondo eritegekebwa, n'engeri e . . . baliyimirira mu kulamulwa, buli omu. Kati, kati tulaba nti abantu bano bassibwako n'Akabonero ka Katonda Omulamu (bwe kiri ekyo?), Abayudaaya bano.

Akabonero ka Katonda Omulamu kye ki? Kati, ssaagala kubaako gwe nnumya. Nkyogera bwogezi, mukiraba. Obadde omamyi, nti, oluvannyuma lw'okusoma ku bayivu abangi abawandiika ku kino, nga bagamba nti abantu bano wano, abaanaazibwa omusaayi, mbu ddala ye Mugole? Mubadde mukimanyi nti abayivu bangi era bagamba nti abo emitwalo ekkumi-ena-mu-enkumi-enya nti ye Mugole? Nga kya . . .

Waliwo ekintu ekiteebewawo, nga kikyamu . . . wano wennyini, kubanga kaakati waliwo ekintu ekikyamu.

52 Mwetegereze, baganda baffe Abadiventi bagamba, nti, "Akabonero ka Katonda kwe kukwata olunaku Iwa ssabbiiti." Ekyo mukimanyi. Naye njagalayo akantu kamu akakyogerako mu Byawandiikibwa, okulaga nti ssabbiiti, oba okukwata Olunaku Iwa ssabbiiti, ke Kabonero ka Katonda. Mukiraba? Waliwo eyeetekerawo endowooza eyo. Naye singa osoma Abaefeso 4:30, kigamba, "So temunakuwaza Mwoyo Mutukuvu owa Katonda, eyabateesaako akabonero okutuusa olunaku olwo . . . okununulibwa kwammwe," yee, ssebo,

Omulum gw'okutabaganya nga guwedde, nga muzze; Kristo Ajja okununula ababe. Wateekebwako akabonero; si kutuusa kudda obuggyga okuddako. Bw'oteebewako akabonero n'Omwoyo Omutukuvu, mulimu oguba guwedde, nti Katonda Akusembezza, era tewali kukivaamu. Ogamba, "Kale, nnakifuna, ate ne nvaayo." Nedda, te — tewakifuna. Katonda Agamba nti kigenda mu maaso okutuusa ku Lunaku olw'Okununulibwa. Kati, uh-huh, ggwe wakana naye, ojja kulaba kye kitegeesa. "Okutuusa ku Lunaku olw'Okununulibwa kwo."

53 Weetegereze. Nga bwe ba . . . Nga bwe baasigalawo okusinziira ku kulondebwa, Abayudaaya bano kati be baasigalawo okusinziira ku kulondebwa. Mu nnaku z'obuwereza bwa Eriya obwasooka eri Abayudaaya, baali abakkiriza kasanvu abaakwekebwa omukono gwa Katonda, kati waliwo mu kiseera kino ekija eky'abasigalawo, abajja mu kiseera kyabwe, nga bali emitwalo kkumi-n'ena-mu- enkumi-enya okusinziira ku kulondebwa. Kati, Obubaka mu kiseera ekyo, okukkiriza Obubaka, baliba emitwalo kkumi-n'ena- mu-enkumi-enya.

Kati, ogamba, "Oh, ow'oluganda, kati lindamu katono, bino, ebya "okulondebwa" sibimanyiko. Kale, nze sibisomangako." Kale, leka tulabe oba kituufu oba nedda. Ka tugende mu Matayo, tutuuke wano tulabe oba tetusobole kubaako kye tulabawo ku kino. Nsusbira kati nti ndi mutuufu. Ssaakiwandiise wano, naye kizzeuzzi mu birowoozo byange. Ka tulabe, ku nkomerero, olunyiriri olwa 30; we twagenze jjo, ku nkomerero y'Akabonero Akoomukaaga, ku lunyiriri olwa 30.

54 Akoomukaaga, ku lunyiriri olwa 30. Kati ka tusomeyo tulabe kati wa we tuli, olunyiriri olwa 31. Mukiraba? "Baliraba Omwana w'omuntu ng'Ajja mu Kitiibwa." Kati, olunyiriri olwa 31.

Era alitura bamalayika be n'eddoboozi ddene ery'ekkondeere, nabo balikunngaanya abalonde be mu mpewo enya, okuva ku nkomerero y'eggulu n'okutuusa ku nkomerero yaalyo.

55 Abalonde" bagenda kuvaayo. Kye ki? Ekiseera eky'Ekiponyoobonyo. Katonda Aliyita abalonde Be, era abo be Bayudaaya mu kiseera ekyo, abalonde. Bayibuli ekyogerako. Pawulo akyogerako, "Okusinziira ku kulondebwa." walibaayo emitwalo kkumi-ena-mu-enkumi-nnya okusinziira ku kulondebwa, abalikkiriza Obubaka, mu bukadde n'obukadde abalibeerayo.

Waaliyo bukadde na bukadde mu Palesitina, mu nnaku z'obunnabbi bwa Eriya, kyokka kasanvu be baalokoka okuva mu bukadde n'obukadde. Kati, "okusinziira ku kulondebwa." Obukadde n'obukadde obw'Abayudaaya, abakunngaanira ku butaka bwabwe. Lifuuse ggwanga. Walibaayo bukadde na bukadde, naye emitwalo kkumi- n'ena-mu-enkumi-nnya "abalonde" be bajja okutwalibwa. Be baliwulira Obubaka.

56 Kye kintu kye kimu eri Ekkanisa y'Abaamawanga. Waliwo Omugole, era Yalondebwa. "Era Ajja kuyitibwa okusinziira ku kulondebwa." Weetegereze, kino kiragira ddala bulungi, Ekkanisa, abakkiriza abalondebwa. Abalala tebakkiriza. Kyeraga bwerazi. Omuntu oyinza okumubuulira Amazima, ne gakakasibwa n'Ekgambo kya Katonda, era ne galabisibwa; n'akugamba, "Nze ekyo sikikkiriza."

Osobola ku . . . Tokijerega. Yesu Yakigaana. Yagamba, "Kibanga kusuulira mbizzi luulu." Mukiraba? Yagamba, "Mubaveeko. Bajja kukukyukira bakulinnyirire. Bajja kukusekerera. Tambula obaviire. "Omuzibe bw'akulembira omuzibe . . ."

57 Gye buvuddeko katono, nnagenda eri omusajja; manyanga, yajja gye ndi. Abaddenga agenda awakanya, okuwonyezebwa okw'Obwakatonda, wonna, wonna. Yajja, n'agamba, "Sikkiririza mu kuwonya kwo okw'Obwakatonda."

Ko nze, "Okwange, nsusbira, tekwandibadde kulungi, kubanga sirinaayo wadde." Era na . . . Ne njamba, "Naye Katonda atuukiridde."

N'agamba, "Tewali kintu kifaanana bwe kityo."

Ne mmugamba, "Owange, ekyo walwawo okukyogera. Yee, wattu ekyo okirindiridde ebbanga. Oyinza okuba ng'emyaka mitono egiyise owakanye, naye kati waliwo omulembe mulala ogugenda mu maaso. Waliwo bukadde na bukadde okukiwaako obujulizi, labayo." Ne njamba, "Ssebo, o — kati oluddewo nnyo, ekyo okukyogera."

N'agamba, nti, "Kale, nze sikikkiriza; sifaayo ne bw'okola ki."

Ko nze, "mazima ddala toyinza. Toyinza." Okiraba?

N'anjamba, "Nziba amaaso!" Nti era, "Bw'oba ddala ng'olina Omwoyo Omutukuvu, nga Pawulo," nti, "nziba amaaso."

Ko nze, "Nnyinza ntya okukikola ng'amaaso go gaaziba dda?" Era, "Kitaawo yakuziba amaaso obutalaba Mazima." Nti era, "Oli muzibe."

N'anjamba, "Siyinza kukkiriza, sifaayo ne bw'okola ki, bukakafu bwenkana wa bw'olaga, oba ekintu kyonna bwe kityo. Sisobola kukkiriza."

Ne mmugamba, "Mazima ddala, tekyali kya batakkiriza. Kyali kya bakkiriza bokka.

58 Kyali ki? Labayo, olwo awo woomanyira ddala nti, okulondebwa kwa njawulo. Temukizannyisa, n'akatono. Yesu Yakola ekintu kye kimu, bwe Yagamba, "Mubaveeko. Omuzibe w'amaaso bw'akulembra omuzibe w'amaaso, tebaagwe mu kinnya?" Naye bwe Yatuuka ku malaaya bambi, [Ow'oluganda Branham akuba entoli omulundi gumu — Omuk.] kyakoleeza omuliro! Kyali ki? Yali ensigo ennonde awo, olaba, eyakiraba mu kiseera kino kyennyini. Bwe

Yasanga Peetero, mwalimu ensigo ennonde mu ye, olaba, era baagiraba. "Era abo bona Kitange be Yampa, be Yampa," (kiseera ekyayita) be Yampa, balijja. Balijja gyendi. "Oh, abange! Ekyo nkyagala! Yee, ssebo. Weetegereze, abakkiriza bakikkiriza. Abatakkiriza tebayinza kukikkiriza. N'olw'ekyo, kati, omuntu yenna bw'ayagala okuwakana ku zzadde ly'omusota n'ebirala, n'ogezaako okukibalaga, ne batakiwuliriza; baviire. Baleke. Labayo, Katonda Tawakana, newankubadde abaana Be.

59 Mwetegereze, Abayudaaya ba Katonda abalonde emitwalo ekkumi-n'ena-mu-enkumi-enna tebavunnamira nsolo, obunnaddiini bwe, oba ebifaananyi, oba ekintu kyonna, newankubadde eggwanga lyabwe liragaanye endagaano nakyo awo. Isiraeri eri mu ndagaano, naye baabano wano emitwalo ekkumi-n'ena-mu-enkumi-enna abatagenda kukikola. Abo be balonde.

Ekintu kye kimu ekiri ddala wano kati mu Kkanisa y'Abaamawanga, ng'abalonde. Toyinza kubayingiza mu kintu bwe kityo. Tebajja kukikkiriza. Nedda, ssebo. Omusana olwabaakako, ku olwo kyaggwa. Balaba e . . . bakiraba nga kibaawo, olwo ne bakiraba nga kirabisibwa n'okukakasibwa bwe kityo. Era batunula wano mu Bayibuli, ne balaba Ekigambo ekyo nga kikola. Kale, to — ggwe baveeko buvi, kubanga baakikkiriza. Ky'ekyo. Ky'ekyo. Newankubadde tebasobola kukinnonyonyola, naye bamanyi nti baakifuna. N'olw'ekyo, nga bwe njamba, "Waliwo ebintu bingi nnyo bye sisobola kunnyonnyola, naye nze — mmanyi nti kyannamaddala. Uh-huh.

60 Kale. Ekiseera kino kyaliwo wakati w'Akabonero Akoomukaaga n'Akoomusantu, waayitira abantu bano, Yesu be Yayogerako mu Matayo essuula 24 mu lunyiriri olwa 31, we twakasoma, olaba. Wano Amakondeere, abajulirwa ababiri aba . . . Ekkondeere bwe livuga, ly'ekkondeere ery'abajulirwa ababiri ab'omulembe ogw'ekisa olw'Abayudaaya. Ekkondeere limu bwe livuga, mwetegereze, ekkondeere limu bwe livuga. Agamba, "Fuuwa ekkondeere." Kati, mwetegereze wano, mu lunyiriri lwa 31.

"Era Alitura bamalayika be (si omu, olaba; bali babiri) n'eddoboozi ddene ery'ekkondeere, . . ." Ekiki? Katonda bw'Aba Agenda okwogera, wabaawo eddoboozi ery'ekkondeere. Lubeerera eryo ly'eddoboozi Lye. Liyita okugenda mu lutalo, olaba. Katonda Ayogera. Bamalayika bano balivaayo n'eddoboozi ly'ekkondeere.

61 Kati mwetegereze, ku Bubaka bwa malayika asembayo, ekkondeere livuga. Obubaka bwa malayika asooka, ekkondeere livuga; malayika owookubiri, ekkondeere lyavuga, bwe yabufulumya. Weetegereze, naye Obubonero bwe bwalangirirwa, bwonna bwali mu kintu ekikulu kimu eky'Obwakatonda, okuyitayo ekibiina ky'abantu; awo ekkondeere livuga omulundi gumu, Obubonero Omusantu ne bu bembulwa.

Weetegereze, "Akunngaanya abalonde Be Abayudaaya okuva mu nsonda ennya ez'eggulu." Yayogera ku Bubonero omukaaga, nga bwe tulabye, naye si ku Akabonero Akoomusantu. Wano Taliiko ky'Ayogera ku Kabonero Akoomusantu, wadde. Laba, buteree, mu lunyiriri olwa 32, lufuuka ngero, ez'ekiseera eky'okuyita Abayudaaya abalonde.

62 Kati mwekkaanye wano, olaba. "Era Alitura bamalayika n'ekkondeere, okukunngaanya abalonde okuva mu nsonda ennya ez'Eggulu." Kati Atandika . . . Laba, wano Talina kintu kyonna ky'Ayogera ku Kabonero Akoomusantu. Mukiraba? Yayogera ku Kabonero Akoomukaaga; Akasooka, Akookubiri, Akookusatu, Akookuna, n'Akoomukaaga. Naye mwetegereze.

Era muyigire ku mutiini olugero Iwagwo; ettabi lyagwo bwe ligejja, amalagala ne gatojera, mutgeere ng'omwaka guli kumpi:

Bwe mutyo nammwe, bwe mulaba ebigambo ebyo byonna, mutgeere nti ali kumpi, ku luggi.

63 Ekyo ekyasembayo, ekibuuzo ekyo kye bamubuuza, "Era kaliba kabonero ki ak'enkomerero y'ensi?"

Bwe muliraba Abayudaaya bano . . . Bwe muliraba ebintu bino ebirala nga bigenda mu maaso, mutegeere ekibaawo. Kati bwe mulaba Abayudaaya bano . . ." Yogera ku Bayudaaya!

Kati mwetegereze. Bantu ki be Yali Ayogerako, Abaamawanga? Abayudaaya! Abayudaaya! mukiraba? Kati Yagamba, mulikyayibwa amawanga gonna olw'Erinnya Lyange," n'ebirala, bwe bityo. Kati, "Ddi," Yagamba, "Bwe muliraba Abayudaaya bano nga batandika okutojerra eyo," Isiraeri bw'eritandika okukyuka okuddayo, ng'eddayo mu ggwanga lyayo. bw'erituukayo, (Ekkanisa yeetegese Okukwakkulibwa), waba wasigaddeyo emyaka esatu n'ekitundu gyokka okutuuka ku nkomerero y'ensi enkadde, awo egenda mu mivuyo, olwo Emyaka Olukumi giyingirewo, e — ensi empya. Yagamba, "Kisembedde!"

64 Kati, emyaka olukumi ku nsi lwe lunaku lumu lwokka eri Katonda. Kati emyaka esatu n'ekitundu giba gyenkana ki? Obutikitiki, mu kiseera kya Katonda. Eyo y'ensonga Iwaki Yagamba, "Kisembedde." "Ddala ddala mbagamba, nti, omulembe gunno teguliggwaawo, abantu bano, tebaliggwaawo, okutuusa ebintu byonna nga . . ." Kiki? Kiki ekitaliggwaawo? Ekiseera kyonna, bagezezaako okutta Omuyudaaya, okumumalawo ku nsi. Tebagenda kukisobola.

Naye mwetegereze. Omulembe gwennyini ogw'Abayudaaya abaalaba okudda, mu Palesitina, omulembe ogwo oglaba ebintu bino nga bibaawo. Era emyaka ng'ebiri egiyise, lwe lyafukira ddala eggwanga, eririna ssente zaalyo n'ebirala. Wuuyo awo.

65 Mikwano, kati tuli ludda wa? Obubonero na buli kimu bibikkulwa; kino kati tukifunira wano wakati. Kiikyo awo. Mulaba wa we tuli? [Ekibiina kiddamu, "Amiina." — Omuk.] Nsuubira mukifuna. Sirina buyigirize. Mmanyi kye njogerako, naye osanga sisobola kukinnyonnyola — kukinnyonnyola, okukola amakulu gye muli. Naye nsuubira nti Katonda ebigambo ebitabuddwatabuddwa, Abiddira n'Abyawula bulungi, olaba, n'Abamanyisa kye biri. Kubanga, kye kiri, tuli kumpi. Tuli wano mu kiseera.

Kati mwetegereze. Mulabe, wano wennyini, Akyukira Abayudaaya, era mu — mu kiseera eky'enkomerero. Ayogera ekigenda okubaawo. Era tumanyi nti kati . . . Tumanyi, tukimanyidde ddala bulungi, nti ebika byasaasaana. Bwe bibadde, emyaka enkumi-bbiru-mu- bitaano. Byalagulwa nti balisaasaana mu nsonda nnya ez'ensi. Ekyo mubadde mukimanyi? Ekyo tukimanyi. Ddala, tetujja kuddayo kunoonya, ekyo okukiggyayo, kubanga wano nninawo ekintu ekikulu ddala kye njagala mulabe, nga temunnaba kukoowa nnyo, nange nga sinnaba kuyenjebuka.

66 Mwetegereze. Era tukimanyi, nti buli kika, olwo lwe lunyiriri lw'ebika. Oba kyonna ky'oyagala okukiyita, oba okuzaalibwa, oba ebifo by'ebika, tebikyali wamu. Byasaasaana, wonna. Abayudaaya, bakunngaanira mu Yerusaalemi, si . . . Tebamanyi na bika byabwe. Tebakyalina bendera za bika oba ekintu kyonna. Olwo, kye bamanyi kyokka, nti Bayudaaya. Baalagulwa nti balibeera bwe batyo, mu nsi yonna.

Kati, ebitabo byabwe byazikirizibwa. Tebamanyi. Ogamba, "Ova mu kika ki?"

"Simanyi."

"Kika ki?"

"Simanyi." Omu wa mu Benyamini, omu wa mu kino, ate omu wa mu kiri. Tebamanyi wa gye basibuka. Ebitabo byabwe byazikirizibwa, mu ntalo, mu myaka enkumi-bbiru-mu-bitano. Ekintu kyokka kye bamanyi, Bayudaaya. Ky'ekyo. Kale, bamanyi nti bazzeeyo ku butaka bwabwe. Ate ba . . .

Mwetegereze, newankubadde tebamanyi bika byabwe, naye Katonda Abimanyi. Ekyo nkyagala! Omamyi, Yagamba n'okugamba wa . . . "Buli luviiri oluli ku mutwe gwo lubaliddwa." Hum! Mwetegereze, Taliiko ky'Abulwako. "Ndikizuukiza ku lunaku olw'enkomerero."

Newankubadde nga baabulwa e — e — ebendera z'ebika byabwe, ne ani nnyiniyo, era oba bali ono obo oli; tebamanyi oba basibuka mu Benyamini, oba basibuka mu Lewubeeni, oba — oba mu Isakaali, oba wa gye bava. Naye, mu buli ngeri, Katonda Abayita okujja wano.

67 Kati weetegereze, mu Okubikkulirwa 7, kino tukisoma. "Omutwalo gumu-mu-enkumi-bbiru" mu buli kika, abaalondebwa, mu buli kika. Waliwo omutwalo gumu-mu-enkumi-bbiru mu buli kika, abaalondebwa, era bali ddala wano nga bategekeddwaa. Oh, abange! Bali mu ki? Bategekeddwaa okusinziira ku bika. Kyokka, nga kati tebannaba, naye bajja kuba. Bategekeddwaa okusinziira ku bika. Ebika biritegekebwa bitya? Si Muyudaaya owa bulijjo, Nedda. Naye abo abaalondebwa, emitwalo ekkumi-ena-mu- enkumi-enyya, be bagenda kutegekebwa okusinziira ku bika. Oh, abange! Nga njagala okukibalagamu! Tetujja kukigendamu. Naye ky'ekyo kyennyni Ekkanisa ky'erina okuba, uh-huh, mu ntegeka yennyini.

68 Kati njagala mwekkaanye nnyo era tusomere wamu, katono. Kati wano waliwo ekintu mpozzi kye muteetegerezanga mu — mu kuyitibwa kw'ebika. Gye buvuddeko, nnabagambye, okusoma Okubikkulirwa 7. Musome nange, era mwekkaanye ebika ebyo. Mu Okubikkulirwa 7, Ddaani ne Efulayimu tebaliiimu era

tebaabalibwa wamu nabo. Ekyo mwali mukyetegerezza? Yusufu ne Leevi be bazzibwa mu bifo byabwé. Ekyo mwali mukyetegerezza? Ddaani ne Efulayimu tebaliiimu. Nedda, ssebo. Naye Yusufu ne Leevi be bazzibwa mu kifo kya — kya — kya Ddaani n'ekya Efulayimu. Lwaki? Ba . . . Katonda Oyo Ajjukira olubeerera Ajjukira buli kisuubizo ky'Ekigambo Kye. Oh, ekyo nandyagadde okukibulirako. Mukiraba? Katonda Talina kye Yeerabira, wadde kiri kitya.

Kiringa bwe Yagamba Musa. Isiraeri yali ebadde eyo, "emyaka ebikumi bina." Baalina okuvaayo mu kiseera ekyo. Yagamba Ibulayimu nti, "Era ezzadde lyo liriba ggenyi mu nsi etali yaabwe okumala emyaka ebikumi bina, oluvannyuma Alibaggyayo n'omukono ogw'amaanyi." Awo n'Agamba Musa, "Nzijukidde ekisuubizo Kyange, era Nzize okutuukiriza kye Nayogera." Katonda Teyeerabira. Teyeerabira bikolimo Bye, newankubadde emikisa Gye. Naye, buli kisuubizo kye Yakola, Akituukiriza.

Kati bwe wekkaanya, eno y'ensonga Iwaki tebaalimu.

69 Kati, soma. Kati njagala musome nange. Mugende mu Ekyamateeka olwokubiri, olwa abi- . . . awo mu lunyiriri olwa 29, oba essuula 29, manyanga. Waliwo ensonga Iwaki ebika bino tebiriiimu. Buli kintu kiriko ensonga yaakyo. Ekyamateeka, twagala okutwala e — essuula 29 eya Ekyamateeka. Kati, Mukama Atuyambe, kati tusobole okutegeera. Kati twagala kutandika mu Ekyamateeka essuula 29 ku lunyiriri 16. Kati muwulirize. Musa ng'ayogera.

(Kubanga mumanyi bwe twatuulanga mu nsi y'e Misiri; era bwe twaggukira wakati mu mawanga ge mwayitamu;

Era mwalabanga eby'emizizo byabwe, n'ebifaananyi byabwe, emit . . . amayinja, effeeza . . . zaabu, ebyali mu bo:) Buli omu yalinako ke yasitula oba akalala, akafaananyi k'Omukutuku Cecilia. Omanyi, ekintu bwe kityo, olaba.

"Walemenga n'olw'ekyo . . ." Wuliriza.

Walemenga okuba mu mmwe Omusajja,...omukazi, oba nnyumba, oba kika, akyamya omutima gwe leero okuva ku MUKAMA Katonda waffe, okugenda okuweereza bakatonda abaamawanga gali; walemenga okuba mu mmwe ekikolo ekibala akalulwe n'obusinso;

Era olunaatuukanga, ng'awulira ebigambo eby'ekikolimo kino, kya — ne yeenyumiriza mu mutima gwe, ng'ayogera nti, naa . . . naabanga n'emirembe, ne bwe naatambuliranga mu bukakanyavu bw'omutima gwange, . . .

70 Mulabeeyo, abantu bagamba, "Oh, yeenyumiriza." Omanyi, Nakola omusaalaba oba ekintu kyonna, nga bwe bakola kati, olaba; ekintu kye kimu, mulaba. Era mulaba kkubo lya kikaafiiri, olaba, o — obukaafiiri. . . . yeenyumiriza mu mutima gwe, . . . mu kufumiitiriza kwe, mu ndowooza ye,

...okwongera obutamiivu ku nnyonta: "Okunywa omwenge kwokka, ekyo tekiriiko kye kikola; kasita oba ng'ogenda mu kkanisa, oba bulungi." Olwo MUKAMA Taamusonyiwenga, naye obusungu bwa MUKAMA . . . obuggyga bwe ne biryoka binyookera omusajja oyo, n'ekikolimo kyonna ekiwandiikkidwa mu kitabo kino (Tokitoolako kigambo n'ekimu, oba okukigattako, olaba.) kinaamubangako, era MUKAMA Anaasangulanga e . . . Anaasangulanga erinnya lye okuliggya wansi w'eggulu. Ekyo kya kubaawo ng'ali wano ku nsi, olaba, "wansi w'eggulu."

Era MUKAMA anaamwawuliranga obubi okumuggyia mu bika byonna ebya Isiraeri, ng'ebikolimo byonna bwe biri eby'endagaano ewandiikkidwa mu kitabo kino ekyamateeka:

71 N'olw'ekyo, "Omuntu yenna bw'anaaweerezanga ekifaananyi oba akubeera n'ekifaananyi, oba okwenyumiriza ye mu kufumiitiriza kw'omutima gwe, n'aweereza ebifaananyi," Katonda Yagamba, "Omusajja, omukazi, ennyumba, oba ekika, erinnya lye ligenda kusangulwa okuva mu bantu." Kati, ekyo bwe kiri? [Ekibiina, "Amiina." — Omuk.] Nga kituufu! Okusinza ebifaananyi kwakola ekintu kye kimu ne mu kkanisa emyaka egy'edda, era bwe kukola ne leero.

Kati weetegereze . . . Wekkaanye engeri omulabe wa Kristo gye yagezaako okukola omulimu gw'okulwanyisa. Bameka abamanyi nti Setaani yeefaananyiriza era ageegeenya a — abatukuvu ba Katonda? Eki — ekibi kye ki? Ky'ekintu ekituufu nga kikyamiziddwa. Obulimba kye ki? ge mazima nga galagiddwa mu ngeri enkyamu. Obwenzi kye ki? Kye kikolwa ekituufu, ekikolwa eky'omu mateeka, nga kikoleddwa mu bukyamu. Okiraba?

72 Kati, mu kugezaako kino okukikola, "erinnya lisangulwa," mwetegereza mu mulembe gw'ekkanisa, ensolo y'emu esinza ebifaananyi by'abafu, n'ebirala, nga egezaako okusangulawo Erinnya lya Mukama Yesu Kristo, n'eteekawo emitwe Kitaffe, Omwana, n'Omwoyo Omukutuku. Kintu kye kimu, nga kirina kikolimo ekyo emabega waakyo, bwe kityo. Ddaani ne Efulayimu ekyo kye baakola, wansi w'obunnanfuusi bwa kabaka mu Isiraeri, Yerobowaamu, omukyamu.

Kati, mwetegereze, mu 1 Bassekabaka essuula 12. Mmanyi tuli . . . Kino, ku Iwange, ki — ki —

kiteekawo omusingi kwe tuyinza okuyimirira, ku kye tulaba. 1 Bassekabaka, njagala okugenda mu ssuula 12, olunyiriri olwa 25 okutuuka ku lunyiriri lwa 30.

Awo Yerobowaamu . . . Sekemu mu nsi ey'ensozi eya Efulayimu, n'abeera omwo; n'ava omwo n'agenda . . . n'azimba Penueri. Yerobowaamu n'ayogerera e . . . mu — mu mutima gwe nti, (Laba, okufumiitiriza okw'omu mutima gwe), Kaakano obwakabaka bunadda eri ennyumba ya Dawudi: Yatandika okutya, olaba, kubanga abantu bayinza okuddayo

Abantu bano bwe banaayambukanga e . . . okuweerayo ssaddaaka mu nnyumba ya MUKAMA mu Yerusaalemi, kale omutima gw'abantu bano gulikyukira nate mukama waabwe, Lekobowaamu kabaka wa Yuda; kale balinzita nze, ne baddayo . . . eri Lekobowaamu — Lekobowaamu kabaka wa Yuda.

Awo kabaka n'alyoka ateesa ebigambo, n'akola ennyana bbiri eza zaabu, n'abagamba nti, kinaabalemanga okwambukanga e Yerusaalemi: laba bakatonda bo, Ayi Isiraeri, abaakuggya . . . mu nsi y'e Misiri.

N'ateeka emu mu Beseri, ne ginnaayo n'agiteeka mu Ddaani.

N'ekigambo ekyo ne kiba ekibi: kubanga abantu baagendanga okusinziza mu maaso g'emu, nga bagenda e Ddaani.

73 Labayo Efulayimu e Beseri, ne Ddaani, n'azimba ebifaananyi. Ne bano ne bayambuka okusinza kino. Era tuutuno, kumpi, nga tuli ddala mu mulembe gw'Emyaka Olukumi, era Katonda Akyajjukira ekibi ekyo. Omwo n'okubalirwamu tebabalirwamu. Hey! Ekitibwa kibe gy'Ali! [Ow'oluganda Branham akuba mu ngalo omulundi gumu — Omuk.] Mu ngeri y'emu ddala nga bw'Ajjukira buli kisuubizo ekirungi, Ajjukira, n'ekibi. Mujjukire, bwe . . . Mikwano, eyo y'ensonga Iwaki nzikiriza, ngezezzaako bulijjo okubeera n'Ekgambo ekyo, wadde kyenkana wa obutaba kya bulijjo.

Laba, kati, baali tebayinza ekyo kukirowoozaako awo. Ku olwo tebaakirowoozaako. Baalowooza, "Kale, baagenda nakyo mu maaso." Kale. Naye wano bali mu mulembe guno ogw'Emyaka Olukumi oguyingiddewo, amannya gaabwe n'ebika byabwe nga "byasangulwamu," kubanga baasinza ebifaananyi, Katonda bye Yakolimira.

Teyagamba nti, "Akyawa" Abanikolayiti ne Yeyeberi oyo? Biveeko. Teyagamba nti Alitta bawala be n'okutta okwa "olumbe," nga kwe kwawukanira ddala ku kuberawo kwa Katonda? Tobyesiga, n'akatono. Kiviireko ddala. Kale, Katonda Ajjukira.

74 Weetegereze.

Naye wali weetegerezza awo, nti baali ba "kusangulwamu"? Lwaki? Wansi w'Eggulu tewaaliwo ssaddaaka eri kumpi awo eyali eyinza okumuwa Omwoyo Omutukuvu, okumuganya okulaba ebintu bino. Naye yamala gakikola, mu buli ngeri, mu ndowooza ye. Naye, Ezekyeri, mu kwolesebwa kwe, mu Myaka Olukumi, addamu okubalaba nga bali mu ntegeka entuufu. Ezekyeri, bwe muba mwagala okukisoma. Mukiwandiike, mujja kukisoma, okulokola ebiseera. Ezekyeri 48:1 okutuuka ku 7, musome ne 23 okutuuka ku 29. Ezekyeri yalaba buli kika nga byonna bitegekedwa bulungi.

75 Kati, era, mu Okubikkulirwa 14, Yokaana abalaba nate mu bika byabwe, ky'ekyo, buli kika mu kifo kyakyo. Kiki ekyabeerawo? Mujjukira, yagamba, "Wansi w'eggulu, nti erinnya lye lirisangulwa okuggyibwa mu nsongza z'ebika." Kasita abeera nga ng'ali wansi w'eggulu, talibaawo. Kati bano emitwalo ekkumi-ena-mu-enkumi-enyya bali wano, mu bika. Ky'ekyo. Naye, olaba, baazibibwa amaaso. Baalina ssaddaaka za nte nnume na mbuzi. Okiraba?

Kati mwetegereze, Yabasangula, "wansi w'eggulu." Naye eri Abaamawanga, mu nnaku ez'Omwoyo Omutukuvu, ekyo okukirwanyisa; erinnya lye lirisangulirwa ddala mu Kitabo ky'Obulamu, "era tolisoniyibwa, mu nsi eno oba ensi ey'okujja." Ekyo bwe kiri? Kale awo we tuli. Isiraeri, wansi w'embusi, endiga, ba — baalina ekifo, kasita baabanga wano ku nsi, ebika byabwe tebyalimu. Baali tebasobola kuteekebwamu.

76 Kati, bona . . . Bwe Yabayita, eyo, mu mitwalo ekkumi-ena-mu-enkumi-enyya, tebaalimu. ekkumi-ena-mu-enkumi-enyya, tebaalimu. Ky'ekyo. N'omuwendo gwabwe teguliiimu. Yusufu ne Leevi bateekebwa mu kifo kya Ddaani ne Efulayimu. Kati ekyo muyinza okukiraba. Kiri ddala awo, mu maaso gammwe, olaba. Ekisuubizo kya Katonda kiokino wano, eyo, emyaka bikumi na bikumi ng'ekyo tekinnabaawo. [Ow'oluganda Branham akonkona ku kituuti emirundi egiwerako — Omuk.]

Kati, kiki ekyabaawo? Baalongoosebwa mu biseera by'ekibonyoobonyo eky'ekitalo. Kati, kiki ekyabaawo, baalongoosebwa mu kiseera ekizibu eky'Ekibonyoobonyo. Kati, ekyo Katonda bw'Aba ng'Anaalongoosa e — embeerera eyo, oyo eyali omukazi omulungi, naye n'alemererwa okufunira amafuta mu ttabaaza ye, Agenda kumulongoosa okuyita mu kuyigganyizibwa. Ebyo ebika Abiteeramu ddala omwo, lwa kintu kye kimu, n'Abalongoosa mu kiseera ky'Ekibonyoobonyo. Kubanga, ku — kulongoosa. Musango.

77 Naye, laba, bo, oluvannyuma . . . Era, mulabeeyo wano, baabano wano emitwalo ekkumi-n'ena-mu-enkumi-enya, oluvannyuma lw'okulongoosebwa kwa Isiraeri. Awo embeerera abeebase bajja, bavaayo, nga balongooseddwa, nga bambadde ebyambalo ebyeru. Mukiraba? Nga kituukiridde! Ekyo nga kirungi! Nga Yakobo, mu kiseera eky'obuzibu, olaba. Ba . . .

Yakobo, mu kiseera eky'obuzibu. Yali asobezza. Naye yayita mu kiseera eky'okulongoosebwa kubanga yali asobezza muganda we, Esawu. Olaba? Yalimba, okusobola okufuna obusika bwe. Wabula yayita mu kulongoosebwa nga erinnya lye terinnakyusibwa okuva ku Yakobo okufuuka Isiraeri, nga ekyo kye ekyali ekifaananyi ky'enteekateeka ya Katonda, ekiraga n'ennaku zino.

78 Kati, tujja kugenda ku lunyiriri olwo 8 olwa . . . oba olunyiriri olusooka, kye nngamba olw'essuula eyo 8; ey'Okubikkulirwa 8:1. Mmanyi mukooye. Naye, kati, kati mugezeeko okuwuliriza katono kati. Kati, Katonda ow'omu Ggulu, kye nsaba, Atuyambe.

Tuteekwa okujjukira nti Akabonero kano Akoomusantu y'enkomerero y'ebiseera, eby'ebintu byonna. Ky'ekyo. Ebintu ebyawandiikibwa mu Kitabo ky'Akabonero Akoomusantu, kyateekebwako akabonero, mu ntegeka ey'obununuizi eyasibbwako ng'emisingi gy'ensi teginnabaawo, byonna bikoma. Y'enkomerero; y'enkomerero y'okutegana kw'ensi. Y'enkomerero y'okutegana kw'obutonde. Y'enkomerero y'ebintu byonna. Omwo, mwe muli enkomerero y'Amakondeere. Y'enkomerero y'Ebibya. Y'enkomerero y'ensi. Ye . . . Era y'enkomerero y'ebiseera. Ekiseera kiggwaako, Bayibuli bw'etyo bw'egamba.

Matayo essuula 7 . . . Kyentegeesa, Okubikkulirwa, essuula 7 . . . essuula ne . . . ne 1 okutuuka ku 7. Ekiseera kiggwaako. Malayika yagamba, "Tewaliba kiseera nate," ekyo, mu nnaku ez'ekintu kino ekikulu bwe kiribaawo. Ebintu byonna biggwaako, mu kiseera kino, enkomerero ya — eya . . . ku nkomerero y'Akabonero kano Akoomusantu.

79 Mwetegereze. Y'enkomerero y'omulembe gw'ekkanisa. Ye — y'enkomerero y'Akabonero Akoomusantu. Y'enkomerero y'Amakondeere. Y'enkomerero y'Ebibya, era ekomekkereza n'okuyingiza kw'Emyaka Olukumi. Ebyo biri ku Kabonero Akoomusantu.

Kibanga kusindika kizungirizi mu bbanga, ekizungirizi ekyo ne kyabika wano, ne kirinnya waggulu ate era ne kyabika. Kifulumya emmunyeenye ttaano. Emu ku mmunyeenye ezo neeyabika n'evaamu emmunyeenye ttaano; ate emu ku mmunyeenye ezo n'eyabika n'evaamu emmunyeenye ttaano. Labayo, awo ne ziggweererera. Ekyo, ke Kabonero, Akoomusantu. Kakomekkereza bukomekkereza enkomerero y'ebiseera by'ensi. Kakomekkereza kiseera kya kino. Kakomekkereza ekiseera ky'ekyo. Kakomekkereza ekiseera kya kino. Kakomekkereza ekiseera. Ebintu byonna bikomekkerezebwa ku Kabonero ako Akoomusantu.

80 Kati, Agenda kukikola atya? Ekyo kye tutamanyi. Si bwe kiri? Tetumanyi . Era ky'ekiseera eky'ebintu bino byonna, n'okutandika okuyingira mu Myaka Olukumi. Weetegereze, okubembulwa kw'Akabonero kano kwali kukulu nnyo, nti, kaaletera Eggulu okuisriikirira, "okuba mu kasiriikiriro nga ka kitundu kya ssaawa." Kati, si ka kitalo! Eki? Eggulu, Lyasiriikirira. Tewaaliwo kintu kinyeenya, okumala ekitundu ky'essaawa.

Kati, ekitundu ky'essaawa kiyinza obutaba kinene bw'oba oli mu kiseera kirungi. Naye wakati w'Obulamu n'okufa, kyalabika ng'Emyaka Olukumi. Kyali kya kitalo nnyo! Yesu Teyakoogerako. Newankubadde abalala bona. Yokaana teyayinza na kukawandiikako. Nedda, yagaanibwa okukiwandiika wano. [Ow'oluganda Branham akubaakuba ku Bayibuli emirundi ebiri — Omuk.] Laba, waliwo e . . . kye . . . Teyakawandiikako, naye kano kasiriikiriro.

81 N'abakadde abiri mu abana abali mu maaso ga Katonda, awo, nga bakuba ennanga zaabwe; baalekera awo okukuba ennanga zaabwe. Ne bamalayika mu Ggulu, baasirisa okuyimba kwabwe. Kirowoozeeko! Bakerubi ne basseraafi" abatukuvu, Isaaya be yalaba mu yeekaalu, nga balina emigogo mukaaga . . . manyanga emigogo esatu egypt'ebiwawaatiro. Bisatu . . . Ebibiri yabibikka mu maaso ge, ebibiri n'abibikka ku bigere bye, n'ebiyokubuusa. Emisana n'ekiro, babeera mu maaso ga Katonda, nga bagamba, "Mutukuvu, mutukuvu, mutukuvu, ye Mukama Katonda Ayinza Byonna!" Era ne bwe baayingiranga, oba bwe bajjanga mu yeekaalu, empagi ya yeekaalu yagendanga ne — n'okubeerawo kwabwe. Ne Basseraafi" bano abatukuvu baasirika. Bamalayika ne bayimiriza okuyimba. Hu-huh. Whew! Abaabuukiranga mu maaso ga Katonda, nga bagamba, "Mutukuvu, mutukuvu, mutukuvu," baasirika.

Tewali bamalayika bayimba. Tewali kutendereza. Tewali — tewali kuweereza ku kyoto. Tewali kintu kyonna. Waaliwo kasiriikiriro; kusirika, kasiriikiriro ak'entiisa mu Ggulu, nga kitundu kya ssaawa. Eggye ly'omu Ggulu lyonna lyasirika mu kiseera kino eky'ekitundu ky'essaawa, ekyama kino eky'Akabonero Akoomusantu mu Kitabo ky'Obununuizi bwe kyali kibikkulwa. Kirowoozeeko. Naye, kyabikkulwa. Omwana gw'Endiga Yakibikkula. Mukimanyi? Nsuubira, kyabakankanya. Tebaamanya; bwe kityo bwe kyali! Baayimiriza buyimiriza. Lwaki? Kyali ki?

82 Kati, tewali n'omu ku ffe amanyi. Naye, nze — nngenda kubabuulira, mu— kubikkulirwa kwange ku kyo. Era, kati, tekiri nti nngenda kugwa ddalu. Bwe kiba bwe kityo, siki manyi, olaba. Si — sigendera ku

bintu bifaanana bwe bityo ng'okuteebereza. Njogedde ebintu ebimu, ebiyinza okuba nga bipya eri abantu abamu. Naye Katonda bw'Ajja, emabega waakyo, n'Akyoleka n'Agamba nti ge Mazima, olwo ekyo kiba nga kye Kigambo kya Katonda. Olaba? Kiyinza okulabika ng'ekipy, mu ngeri bw'etyo. Mukiraba?

Era kati, ddala nga bwe nnyimiridde wano ku kituuti olunaku Iwaleero, nafunye okubikkulirwa okwabikkuddwa. Kiri mu ngeri ssatu. Nsobole okwogera gye muli, nga nnyambibwako Katonda, okukyanjuluza. Kati olwo mu . . . ka tusooke tugende, ku ekyo. Okubikkulirwa kuukuno wano okusobola okutandika kye njagala okubabuulira, kye kiri. Ekyabaawo, kwe . . . Ebibwatuka ebyo omusanvu bye yawulira nga bibwatuka, n'agaanibwa okubiwandiika; ekyo ekyama kye kiri, ekiri emabega w'ebibwatuka ebbidirinnanga omusanvu ebyo nga byeyanjuluza. [Ow'oluganda Branham akonkona ku kituuti emirundi egiverako — Omuk.]

83 Kati, Iwaki? Leka tukikakase. Lwaki? Kyama ekitamanyiddwa muntu yenna. Yokaana yagaanibwa okukiwandiikako, wadde — wadde okukiwandiikako akabonero konna. Lwaki? Eno y'ensonga Iwaki tewaaliwo ki — kintu kyonna kikolebwa mu Ggulu: kiyinza okufulumya ekyama. Kati mukiraba? [Ekibiina kiddamu, "Amiina." — Omuk.] Bwe kiba nga kikulu nnyo, kiteekwa okuteekebwamu, kubanga kirina okubaawo. Naye ebibwatuka omusanvu bwe . . .

Kati mwetegereze. Bamalayika omusanvu bwe bavaayo okufuuwa amakondeere gaabwe, waaliwo okubwatuka kwa mulundi gumu. [Ow'oluganda Branham akonkona ku kituuti omulundi gumu — Omuk.] Isiraeri buli lwe yakunngaananga, waabangawo ekkondeere. "Ekiseera bwe kiriba nga kiweddeyo," ekkondeere erisembayo, okubwatuka kwa mulundi gumu. Naye biibino ebibwatuka musanvu ebirambululiddwa, butereevu: kimu, bibiri, bisatu, bina, bitaano, mukaaga, musanvu, omuwendo ogwo ogutuukiridde. Ebibwatuka musanvu mu lunyiriri, byata, si . . . kukola bukozi — nga kimu, bibiri, bisatu, bina, bitaano, mukaaga, musanvu, butereevu. [Ow'oluganda Branham akonkona ku kituuti emirundi musanvu — Omuk.] Olwo, Eggulu ekyo teryasobola kukiwandiika. Eggulu terisobola kukimanyaako, tewali kirala kyonna, kubanga tewaaliwo kigenda mu maaso. Kyali kiseera kya kuwummula. Kyali kikulu nnyo, n'okutuusa, lwe kyakuumibwa nga ne Bamalayika tebakimanyiiko.

Kati, Iwaki? Osanga singa Setaani yakikwatako, yandikyonoonye. Waliwo ekintu kimu ky'atamanyi. Kati, asobola okuvvuunula ekintu kyonna ky'ayagala, n'ageegeenya ekirabo kyonna, (nsuubira muyiga), naye kino tayinza kukimanya. Tekyawandiikibwa wadde ne mu Kigambo. Kyama ddala ddala. Bamalayika, na buli kintu, byasirika. Singa baakolako ekintu kimu, osanga kyandikifulumizza, bwe kityo baasirika busirisi, ne basirisa ennanga zaabwe. Buli kimu kyayimirizibwa.

84 Omusanvu, muwendo gwa Katonda ogutuukiridde. Musanvu, [Ow'oluganda Branham akonkona ku kituuti emirundi musanvu — Omuk.] Butereevu ddala. Ebibwatuka omusanvu byabwatukira wamu butereevu, nga biringa ebirina ekintu kye byatula. Mwetegereze, mu kiseera ekyo, Yokaana yatandika okukiwandiika. n'Agamba, "Tokiwandiika." Yesu Teyakyogerako. Yokaana teyakiwandiika. Bamalayika tebalina kye bakimanyiiko.

Eki? Kye kintu, Yesu kye Yagamba nti, "Ne Bamalayika ab'omu Ggulu," tebalina kye bakimanyaako. Okiraba? Okiraba? Naye Mwennyini, Teyakimanyaako. Yagamba nti, "Katonda Yekka" Y'akimanyi. Naye Yatugamba, nti bwe "tutandika okulaba obubonero buno nga bubeerawo." Kati, muliko we mutuuse? [Ekibiina, "Amiina." — Omuk.] Kale. Weetegereze, bwe "tutandika okulaba obubonero buno nga bubaawo." Olaba? Singa Setaani yakikwatako . . .

85 Bw'obaako ky'oyagala kibeewo . . . Kati ku kino kijja kubaetaagisa okukwata ekigambo kyange. Bwe mbaako kye nteekateeka okukola, kye nkola sikibuulirako muntu yenna. Si kuba nti omuntu oyo ajja kukyogera, naye Setaani ajja kukiwulira. Okiraba? Tayinza kukiggya mu mutima gwange, Katonda bw'Aba ng'Aguggaddeo n'Omwoyo Omutukuvu, n'olw'ekyo kiba wakati wange ne Katonda. Okiraba? Abeera takimanyiiko okutuusa ng'okyogedde, olwo n'akiwulira.

Era ngezaako . . . Mbabuulira nti nngenda kukola ekintu gundi, ne ndaba Setaani bw'asalako nnamuziga zonna nga bwasobola, anziyize okukituukako, olaba, akinsookeko. Naye bwe nfunu okubikkulirwa okuva eri Katonda, ne sibaako kye nkyogerako, olwo kiba kyanjawulo.

Jjukira, Setaani ajja kugezaako okukigegeenya. Ajja kugezaako okugegeenya ebintu byonna Ekkanisa by'enaakola. Ajja kukigezaako okukikola. Tukiraba, mu mulabe wa Kristo. Naye ekintu kimu kiikino ky'atayinza kugegeenya. Ku kino tewajja kuba kwegegeenya, olaba, kubanga takimanyi! Era tewaliwo ngeri yonna gy'asobola kukimanya. Kwe Kusika Okwokusatu. Talina ky'akimanyiiko. Okiraba? Takitegeera.

86 Naye waliwo ekyama wansi w'ekyo! [Ow'oluganda Branham akonkona ku kituuti omulundi gumu — Omuk.] Ekitiibwa kibe eri Katonda Ali waggulu ennyo! Sisobola kuddamu kulwooza kye kimu, obulamu bwange bwonna, bwe nnalabye.

Kati, simanyi ki . . . ekiddako nkimanyi, naye ekyo, simanyi kukivvuunula. Tekigenda kulwawo. Nakiwandiise wano, bwe kyabaddeewo, oba musobola okulaba wano, "Yimirira. Wano wennyini

tosukkawo."

Siri ng'anaagwa eddalu. Kye njogera ge Mazima. Naye mujjukira akagatto, bulijjo ke ngezezaako okunnyonnyola, nti emmeeme ekifo ky'erimu y'eddirira kino, n'okulumirizibwa okw'omunda, n'ebintu ebyo byonna? Ekyakola obukozi okugeegeenya, oluvannyuma Iwakyo. Engeri gye walina okuleeta omukono, n'okwata abantu, n'owulira okukankana? Buli muntu yafuna okukankana mu mukono gwe. Naye mujjukire, bwe Yantwala eyo, n'Anngamba, "Kuno kwe Kusika okwo Okwokusatu, era tewali ajja kukumanya." Ekyo mukijjukira? [Ekibiina kiddamu, "Amiina." — Omuk.] Okwolesebwa tekulemererwa. Ge Mazima gennyini.

87 Kati mwetegereze. Mujjukira okwolesebwa kw'ekibinja eky'emmuneenyenye? Charlie, nze . . . Ky'ekyo. Waliwo ekigenda mu maaso, nnabagambye, nti wiiki eno mu . . . Kibadde kibeetoolooleddde ddala, naye simanyi oba mukirabye. Mujjukira, okwolesebwa kw'emmuneenyenye za Bamalayika, bwe nnava wano okugenda mu Arizona? [Ekibiina kiddamu, "Amiina."] Mujjukira, "Bassebo, Kati Kiseera Ki?" ["Amiina." — Omuk.] Ekyo mukijjukira?

Mwetegereze, waaliwo okubwatuka okunene kwa mulundi gumu gwokka, Bamalayika omusanvu ne balabika. Ekyo bwe kiri? ["Amiina."] Okubwatuka kwa mulundi gumu, Bamalayika omusanvu ne balabika. Ne ndaba Omwana gw'Endiga bwe Yabembula Akabonero Akasooka, ne mpulira, nga liringa eddoboobi ery'okubwatuka, ekimu ku biramu ebina nga kyogera nti, Jjangu olabe. Mwetegereze, ekibwatuka kimu, Obubaka musanvu obwali busibiddwako, era nga tebuyinza kubikkulwa okutuusa mu nnaku ezisembayo, ez'omulembe guno. Mulaba kye ntegeeza?

88 Kati, mwetegerezza ekitundu eky'ekyama ekya wiiki eno? Ekyo kye kiri. Ekyo kye kibaddenga. Tabaddenga muntu, o — omuntu. Babaddenga Bamalayika ba Mukama. Mwetegereze. Waliwo obujulizi, obwabasatu, abatudde wano, wiiki ng'emu eyise, nnali engulu eyo, mu nsozi, kumpi nga ne Mexico, n'abooluganda babiri abali wano. Bwe baali nga bankongolako muwugula ne ssere, ku mpale yange; ne wabaawo okubwatuka, kyenkana, okwayinza, n'okwanyeenya ensozi kumpi kuzisuula wansi. Kati, ekyo bwe kiri. Ab'oluganda ssaababuulira, naye baalabawo enjawulo. N'Anngamba, "Kati, weetegeke. Genda buvanjuba.

Amakulu g'okwolesebwa okwo gaagano." Mukiraba? Kati, okubamanya, Ow'oluganda Sothman yali tannaba kufuna ekyo kye yali agenderedde. Twali tugezaako okukimufunira. N'Agamba, "Kati leero, olw'akabonero gy'oli, tagenda kukikola. Mu kiseera kino otekwa okwetukuza olw'okukyalirwa kwa Bamalayika bano." Ne sseetegera, nga bwe mujjukira. Kati nnali bugwanjuba. Bamalayika baali bajja buvanjuba. Era bwe baali bajja, nasitulibwa nabo. (Ekyo mukijjukira?) Nga bajja ebuvanjuba.

89 Era ow'oluganda Fred, ali wano leero, mujulizi, n'wooluganda Norman. Nga bwe tugenda, namusendasenda kumpi kumukkirizisa okusigala afune ensolo ye. Ow'oluganda Sothman, ekyo si bwe kiri? [Ow'oluganda Fred Sothman, "Amiina." — Omuk.] Yee, wuuyo, ayimiridde awo wennyini. Namusendasenda, naye, yali agambye nti, "Tajja kukikola." Kyokka siriiko kye nnayogera; ku kyali kigenda mu maaso. Waliwo ekiri wabbali wa weema, olunaku lwe . . . Ojjukira, Ow'oluganda Sothman. Kati nze, amangu ddala nga waliwo ebyogeddwa, mbateeka n'wooluganda Norman . . . Ow'oluganda Norman aluwa? Wuuli emabega. Balayize, nti teboogeranga ebyali bigenda mu maaso. Ekyo si bwe kiri? [Ab'oluganda bagamba, "Amiina." — Omuk.] Nakyuka ne nvaawo ku weema eyo, bwe nt yo? Ekyo si bwe kiri? ["Ky'ekyo."] Kubanga, kino kye kyali, ekyo kye kyali ddala, nga mmanyi nti sisobola kukyogera okutuusa nga kibaddewo, okulaba oba ng'abantu balikitegeera.

90 Kati mwali mwetegerezza? "Malayika Oyo," gwe nnayogerako nti, "munda omwo, mwalimu Malayika ataali wa bulijjo." Yantunuulira nnyo, okusinga abalala. Ekyo mukijjukira? [Ekibiina, "Amiina."] Baali mu kibinja eky'emmuneenyenye; basatu basatu erudda n'erudda, n'omu waggulu. Oyo eyandi okumpi ennyo, bwe tubala okuva ku kkono nga tudda ku ddyo, ye yandibadde Malayika ow'omusanvu. Yali ayakaayakana, okusinga abalala. Mukijjukira? Ne nngamba, ekifuba kye nga kivuddeyo, bwe kityo, era yali abuuka ng'adda ebugwanjuba" (Mujjukira) "bw'ati"? Nagamba, "Ne kinnyimusa; ne nsitulibwa." Ekyo mukijjukira? ["Amiina."]

91 Wuuno wano, oyo eyalina Akabonero Akoomusantu, ekintu ekintawaanyizzanga obulamu bwange bwonna. Amiina! Obubonero buli obulala bwalina amakulu mangi gye ndi, mazima, naye, oh, temumanyi kino kye kitegeezza, omulundi ogumu bwe guti mu bulamu bwange! [Ow'oluganda Branham akonkona ku kituuti emirundi egiwerako — Omuk.] Nali nsabye, nali nkaabiridde Katonda. Nze — nze — nze . . . Oluvannyuma Iw'olukunungaana Iw'omu Phoenix olwo . . . Omuntu yenna, abaali nange, bamanyi; nnagalamira ku lusozi. Amakya agamu, nasituka ne nngenda mu Sabino Canyon, ensozi ezo ennene, engulumivu, ez'ebinnyanne. Ne nnyambuka eyo. Era waaliyo akakubo, kookyamiramu, okugenda waggulu ku Lemmon Mountain, olugendo lwa mmayiro asatu, ebigere ng'asatu mu muzira, waggulu eyo.

92 Kati, eyo waggulu ku lusozi, ku makya nnyo, nga tuyita mu kakubo kano, nga tusomoka ensozi. Nawulira okukulemberwa okudda eno. Ne nkyuka ne nnyambuka mu byaziyazi ebinene ennyo, oh, abange, ffluuti bikumi na bikumi obugulumivu. Nafukamira mu njazi ezo. Ne nteeka wansi Bayibuli eno, n'ekitabo kino . . . ekipande kino. [Ow'oluganda Branham alaga Bayibuli ye n'ekipande — Omuk.] Ne nngamba,

"Mukama Katonda, okwolesebwa kuno kutegeeza ki?" Nze — ndi — ndi . . ." Nti era, "Mukama, ku . . . kutegeeza kufa kwange?" Mujjukira, nnabagamba nti, "Nnalowooza nti osanga kutegeeza kufa kwange, kubanga ekintu kyabwatuka okutuusa lwe kyannyenjebula." Mukijjukira. Bameka abakimanyi, abaali bakiwuliddeko? [Ekibiina kiddamu, "Amiina." — Omuk.] Kale, mazima, olaba, mwenna. Kati nnalowooza nti kiyinza okutegeeza okufa kwange.

Kati olwo nga ndi mu kisenge, ne nngamba, "Ki . . . Ki — ki — Mukama, kibadde ki. Ki — kitegeeza ki? Kitegeeza nti nngenda kufa? Bwe kiba bwe kityo, kale, sijja kugamba ba maka gange. Ndeka nngende bugenzi, omulimu gwange bwe guba guwedde," olaba. Era ne nngamba . . . Kati, kyali ki? Naye edda Yatuma omujulizi, mujjukira bwe nnabagamba, nti tekyali ekyo. Kwali kwongezebwayo kwa kukola kwange.

93 Oh, oh, oh! Mukifuna? [Ekibiina, "Amiina." — Omuk.] Okiraba? nga ndi eyo mu Sabino Canyon . . . Kino Kitaffe ow'omu Ggulu Akimanyi. Kya mazima ddala ng'ekyo kye mwalaba nga kituukirira, Bamalayika abo bwe bajja ne banyweza buli Bubaka okuba nti buli kye kimu. Olwo ne mumanya oba bwava eri Katonda oba nedda. Kyalagulwa, gye muli, mu kwolesebwa. Ssaakibagamba okutuusa ng'obuweereza buwedde, kubanga nnagaanibwa.

Mu Sabino Canyon, nga ndi eyo ku makya ago, nga mpanise emikono gyange. Era e . . . Embuyaga yali entikkuddeko enkuifiira yange enzirugavu enkadde. Bwe . . . Nnali nnyimiridde awo, nga mpanise emikono gyange, nga nsaba. Ne nngamba, "Mukama Katonda, kino kitegeeza ki? Mukama, sisobola kukiigeera. Nkole ki? Bwe kiba nga ky'ekiseera kyange eky'okugenda Eka, leka nngendere wano, we batalindabira. Ssaagala mutu yenna kukaaba, nga nngenda. Nze — njagala ab'omu maka gange balowooze nti ntambuddemuuko. Era baleme okundaba. Baako wonkweka. Bwe mba wa kugenda, kale, ka nngende. Osanga lumu, Joseph alisanga Bayibuli yange ng'eri awo, era leka agikozese. Labayo, Mukama, bwe mba wa kugenda, ka nngende."

94 Era nali mpanise emikono gyange. Kati, omulundi gumu, ekintu ne kigwa mu mukono gwange. Simanyi. Simanyi. Nali nneebase? Simanyi. Nnawaanyisibwa? Simanyi. Kwali kwolesebwa? Simanyi. Kye nnyinza okugamba ky'ekyo kye . . . Ekintu kye kimu ddala nga Bamalayika abo bwe baali! Ne kigwa mu mukono gwange. Ne ntunula, nga kitala. Kyalina ekikwatibwako nga kya luulu, nga kirungi nnyo; era kyalina enngango nga za zaabu, n'ekyuma ekisala nga kiringa chrome, nga ffeeza, wabula nga kimasamasa nnyo. Kyalina obwogi buyitirivu, oh, abange! Muli ne ndowooza nti, "Ekyo si ky'ekintu ekisingayo obulungi!" Kyagyira ddala mu mukono gwange! Ne ndowooza, "Ekyo kirungi nnyo." Naye, ne nngamba, "Hey, bulijjo ntua ebintu ebyo, ekitala." Ne nneebuuza, "Nngenda kukikozesa ki?"

Mu kiseera ekyo Eddoboozi ne liyuugumya wano, eryanyeena ensozi. Ne ligamba, "Kye Kitala ekya Kabaka!" Kati olwo ne nkivaamu. "Ekitala ekya Kabaka." Kati, singa lyagamba nti, "Ekitala kya kabaka . . ." Naye lyagamba, "Ekitala ekya Kabaka," era waliwo "Kabaka," omu Yekka, era Oyo Ye Katonda. Alina Ekitala kimu, ng'ekyo kye Ekigambo Kye, ekimbeezaa. Kale, Katonda, Nnyamba; nga ndi wano ku mmeesa Ye entukuvu, n'Ekigambo Ekitukuvu nga kiri wano! Ekigambo! Amiina!

95 Oh, nga lunaku lwa kitalo lwe tulimu! Nga kintu kikulu nnyo! Olaba ekikwekedwa n'ekyama? Okwokusatu . . . Nga ndi awo kino nga kinvuddeko, ne wabaawo ekyajja ne kinngamba, "Totya." Kati, ssaawulira ddoboozi lyonna. Nga lyayogerera, mu nze. Nnina okubabuulira amazima, ekyo kyennyini ekyabaawo. Ekintu kyankuba, ne kigamba, "Totya. Kuno kwe Kusika Okwokusatu."

Okusika Okwokusatu! Mukijjukira? [Ekibiina, "Amiina." — Omuk.] Yagamba, "Bakugeegeenyezza nnyo ku kino, ky'ogezazzangako okunnyonnyola. Naye," Nti era, "Ku kino, tebajja kugezaako ." Mukijjukira? Bameka abajukira okwolesebwa okwo? ["Amiina."] Kubanga, kiwedde. Kiri ku ntambi, buli wamu. Ekyo kyaliwo emyaka nga mukaaga egiyise, emyaka musanvu egiyise. Kyaliwo emyaka musanvu egiyise. Yagamba, "Ekyo togezaako okukinnonyola." Era, "Kuno kwe Kusika Okwokusatu, naye Nja kukusanga omwo." Ekyo bwe kiri? ["Amiina."] Yagamba, "Togezaako . . ."

96 Nnali nnyimiridde ne — n'akagatto k'omwana omuto, we Yanngambira. Yagamba, "Kati weekolere Okusika okusooka. Kati bw'onookikola, ekyennyanja kijja kugoberera akamere akali ku ddobo." Era, "Olwo otunuulire Okusika kwo Okwokubiri, nti era, "kubanga kajja kuba akennyanja akatono kokka." Era Yagamba, "Olwo Okusika Okwokusatu kujja kukakwata."

Abawereza bona ne bankunngaanirako, ne bagamba, "Ow'oluganda Branham, tumanyi nti osobola okukikola! Aleruuya! Ow'oluganda Branham!" Awo bulijjo we nsobererwa, n'abubuulizi. Okiraba? Njagala abantu. Baagala buli kintu okinnyonnyole, kino, kiri.

97 Ne nngamba, "Kale, uh, uh, uh," nti, "Simanyi." Nti era, "Bwe kiri. Okuvuba nkutegeera." Era, "kati, ky'olina okusooka okukola . . . Yiino engeri gye bakikola. Bw'olaba ebyennyanja byonna; olina okunyeenyaamu ku kagwa okuli ak'okulya." Kale, obwo bwe bukodyo bwennyini obw'okuvuba. Bwe ntyo ne nngamba, "Nyeenya akagwa okuli ak'okulya." Kati, laba, bw'onyeenya akagwa okuli ak'okulya, omulundi ogusooka, olwo ekyennyanja kikagoberera." Naye bwali obwo obuto. Era obwo nga bulinga bwe

baali bakwata. Kati olwo ne — ne nngamba, "Olwo mujja — mujja kuteekawo . . ." Ne nkasisikayo, ne nkaleeka kulubalama. Era kwaliko ekyennyanja, naye kyali kifaanana ng'eddiba erisigadde ku ddobo, kyali ki . . . kaali kato nnyo. Nali nkyali awo, ekintu ne kigamba, "Ekyo nnakugambye obutakikola!" Ne ntandika okukaaba.

Omutego gwonna nga gunneezingiridde, bwe guti. Era nnali . . . nnali nnyimiridde awo, nga nkaaba, nga nkotese omutwe gwange bwe ntyo. Nagamba, "Ayi Katonda! Oh, nze . . . Nsonyiwa! Nze — Ndi muntu omusiru. Mukama, si . . . Nsonyiwa." Era nze — mbadde n'omutego guno. Era ekyo, kye nnali nkutte mu mukono gwange, kaali kagatto ak'omwana omuto, nga kenkana awo obuwantu. Era nalina akagwa ako, kaali kenkana ng'okwetooloola engalo yange obunene, nga kitundu kya yinsi, bwe katyo. N'akatuli k'akagatto kano awayisibwa akagwa akagisiba obunene kaali kenkana nga . . . nga katonoko o — kimu kya kkumi-na-mukaaga, akatuli, osanga, nga yinsi emu. Era nnali ngezaako okuyisaamu akagwa mu kagatto kano, n'akantu kano akanene akaweza yinsi ennamba. Huh!

Eddoboozi ne liija, ne ligamba, "Abaana abawere Abapentekoote toyinza kubayigiriza bintu bya mwoyo." Era, "Kati, baveeko!"

98 Awo wennyini n'Ansitura. N'Antwala, n'Antuuza waggulu, awaali olukunngaana. Yalabika nga weema oba lutikko, bwe kityo. Ne ndaba, akantu akafaanana, nga waliwo akabokisi, mu kafo awo ku bbali. Ne ndaba Ekitangaala ekyo nga waliwo gwe kyogera nakyo, waggulu wange, Ekitangaala ekyo kye mulaba mu kifaananyi. Kyanvaako, bwe kiti, ne Kigenda mu weema eyo. Ne Kigamba, "Nja kukusisinkana eyo." Nti era, "Kuno kwe kujja okuba Okusika Okwokusatu, era tolikubuulirako muntu yenna."

Eyo mu Sabino Canyon, gye Yagambira, "Kuno kwe Kusika Okwokusatu." Era waliwo ebintu ebikulu bisatu ebikugenderako. Ekimu kyanjuluziddwa olwaleero . . . manyanga jjo; ekirala kyanjuluziddwa leero; era waliwo ekintu kimu kye sisobola kuvvuunula, kubanga kiri mu lulimi olutamanyiddwa. Bwe nnayimiririra ddala awo ne nkitunuulira nga nkyekaliriza. Era kuno kwe Kusika Okwokusatu nga kujja. [Ow'oluganda Branham akonkona ku kituuti emirundi esatu — Omuk.] Omwoyo Omutukuvu wa Katonda . . . Oh, abange! Eyo y'ensonga Iwaki Eggulu lyonna lyasiriikirira.

99 Kati, nze — ka nkome wano, olaba. Nze — mpulira nga nnyimiriziba, ekyo obutaddamu kukyogerako. Mulaba? N'olw'ekyo mujukire, Akabonero Akoomusantu, ensonga Iwaki tekaabembulwa. [Ow'oluganda Branham akonkona ku kituuti emirundi mukaaga — Omuk.] Labayo, ensonga Iwaki Teyakabikkula eri nti, tewali alina kukamanyaako. Era njagala mumanye, nze nga sinnaba na kukimanyaako Kigambo kyonna, okwolesebwa okwo okwajja kati wayiseewo emyaka. Ekyo mukijukira? [Ekibiina kiddamu, "Amiina," Omuk.] Kati kiihino wano, mu ngeri ddala y'emu nga kiri ekirala bwe kibadde, kiyengirirawo ddala butereevu mu Kigambo we kyali. [Ow'oluganda Branham akonkona ku kituuti emirundi ebiri.] Katonda Amayi omutima gwange, sirowoozangako ku kintu kifaanana bwe kityo wadde omulundi ogumu, naye kiihino kyali wano. Obudde buweddeyo okusinga bwe tulowooza. Uh-huh. Oh, abange! Ekyo kiraga nti kiva wa Katonda, olaba, kubanga, kigyira ddala mu bisuubizo bya Katonda, okuva ku nkomerero ya — Obubaka.

Mwetegereze. Kati mwetegereze, kubanga enkomerero y'Obubaka obw'ekiseera, Akabonero kano, oluvannyuma Iwa byonna, a — Abikkudde Obubonero bwonna omukaaga, naye Talina ky'Ayogedde ku Koomusantu. Akabonero ak'ekiseera ekisembâyo, bwe katandika, kiribeerera ddala kyama, okusinziira ku Bayibili, ng'Ekyo tetunnakimanya. Era mujukire, Okubikkulirwa 10:1-7, 1 okutuuka ku 7, essuula 10:1 okutuuka ku 7, ku nkomerero y'Obubaka bwa malayika Owoomusanvu, ebyama bya Katonda byonna birimanyibwa." Tuli mu kiseera eky'enkomerero, okubembulwa kw'Akabonero Akoomusantu.

100 Kati, nnamanya ntya? Jjuuzi, Sande eyayita, leero eweze wiiki emu, bwe nnali mbuulira ku, "Beera muwombeefu! Beera muwombeefu! Jjukira Katonda Akolera mu buntu obutono." Era saamanya kiki ddala kye kyali kyogerako. Naye kati nkiraba. Kiri mu ngeri ey'okwetoowaza! Oyinza okulowooza ku kintu ekyo nti kyandibadde kibikkulirwa eri Vatican manya . . . Naye kijja nga Yokaana Omubatiza. Kijja nga okuzaalibwa kwa Mukama waffe, mu kiraalo. Ekitiibwa kibe eri Katonda! Kale Nnyamba, essaawa etuuse! Amiina! Tuli wano. Oh, abange! Kaakati mukiraba, nti Amazima og'okwolesebwa kwa Katonda, Bamalayika omusanvu nga bandeeta okuva ebugwanjuba? Baali bava bugwanjuba, nga bakomawo ebuvanjuba, nga bandeeta wano olw'Obubaka buno leero. [Ow'oluganda Branham akonkona ku kituuti emirundi ebiri — Omuk.] Oh, abange!

101 Kati, Eddoboozi ly'Okubwatuka okwo okw'amaanyi n'omulimu ogwaleetebwa wano, bibikkuddwa, nti ki . . . ne kikakasibwa nti kyali kya Katonda. Kati kirowoozeeko. Saamanya Bubonero buno, naye bubikkuddwa mu wiiki eno. Waliwo omuntu yenna eyali alowoozezza, ku Bamalayika abo omusanvu, okubeera Kino, okubeera Obubaka buno obwajja, Bamalayika abo okunkomyawo wano olw'e kyo? Mukiraba?

Jjukira, omubaka Owoomusanvu yali . . . Ababaka omusanvu baali . . . Gwe nneekaliriza, Malayika owoomusanvu, yandabikira nga mukulu okusinga ku balala. Kati, mulabe, baali bayimiridde bwe bat. Kati, twagala mwetegereze. Era nnali nnyimiridde wano, nga ntunuulira abo abalala . . . Laba, ekimu, ekibinja ky'obunyonyi ekyasooka, ng'ebiwawaatiro byonna kikongoddwako. Mubujukira? Bwonna ne bubuuka nga

budda ebuvanjuba. Ekinja ekyokubiri, byali binyonyi bineneko nga bimasamasa, ebyalabika ng'amayiba, n'ebiwawaatiro ebisongovu. Nabyo ne bibuuka nga bidda ebuvanjuba. Okusika Okusooka, Okusika Okwokubiri, ekyaddako baali Bamalayika.

102 Nnali awo wennyini, okubwatuka kuno ne kugenda. Kati nnali ntunudde eno, ebugwanjuba, ne Bajja ne bansitulira, Omwo. Ne nva mu kutegeera kwange. Omu ku bo, ng'ajja, Oyo ye yandabikira nga mwawufu nnyo, ye yandi ku . . . Yandi ku kkono, awo we nnabayingiriramu. Naye okubala okuva ku kkono okudda ku ddyo, ye yandibadde Malayika owoomusanvu, olaba, ng'ajja.

Kati, jjukira, Ababaka omusanvu. Mujjukira pyramid ey'Olwazi olweru, mu kirooto kya Junior Jackson kye nnabavvuunulira? [Ekibiina kiddamu, "Amiina." — Omuk.] Mulaba? Mwetegereze, olunaku Iwe nnagenda, era nze . . . Waaliwo ebirooto mukaaga ebyajja, era nga byonna byali bikwata ku kintu kye kumu. Olwo okwolesebwa ne kutandika, ne kunsindika ebugwanjuba. Kati, Junior, yali yekkaanya nga . . . Weetegereze. Labayo bwe kikwataganira ddala. Weetegereze. Labayo bwe kikwataganira ddala. Kati, nja — nsuubira era nkakasa nti bantu mmwe mukiraba nti ngezaako ekisa kino okukiteeka ku Yesu Kristo, Oyo Nnannyinikyo Kyonna. Era ensonga yokka Iwaki temumpulirangako mu bulamu bwammwe, nga njogera bwe nti, naye essaawa eno esembedde. Mulaba? Mulaba?

103 Weetegereze. Kati okukikakasa, gye muli, kiryoke kibayingiriremu ddala. Nteekateeka okubaleka nate. Simanyi wa gye nnaagenda. Nteekwa okubuulira Enjiri mu bifo ebirala. Naye kati, ki . . . Muyinza okugamba, "Tuwulidde ku bazoole bwe batyo." Simanyi bwe kiri; siyinza kusalira muntu mulala yenna musango. Nnina okwanukula Katonda ekyo kye . . . ku — ku lwange. Naye waali wabaddewo omulundi gwonna, gwe nnali mbagambyeko ekintu kyonna mu Linnya lya Mukama, ne kitaba kituufu mu myaka gino gyonna? [Ekibiina kiddamu, "Nedda." — Omuk.] Tewali asobola ekyo okukyogera, kubanga olubeerera nkyogera nga bwe bw'Akinngambye.

Kati, ka mbalage nti kino kya mazima ddala, era nkikakase. Kati jjukira, "Bwe wabaawo ow'omwoyo, oba nnabbi, Nze, Mukama, Ndyogera gy'ali mu kwolesebwa, nneemanyise gy'ali mu birooto." Okuvvuunula ebirooto, ky'ekyo. Yusufu, yali asobola okuvvuunula ebirooto, n'okwogera, ne — n'okulaba okwolesebwa. Ekyo bwe kiri? [Ekibiina kiddamu, "Amiina." — Omuk.]

104 Kati kino mukyetegereze. Ekyo, kati, kino bwe kyabaawo, Junior yali ayimiridde mu kibangirizi ekyalina e — omwali pyramid ennene, bw'eti. Ku njazi kwaliko ebiwandiikkidwako, era ebyo nnali mbibikkulira abantu. Junior, ekyo bwe kiri? [Ow'oluganda Junior addamu, "Bwe kiri." — Omuk.] Omwaka nga gumu nga tekinnabaawo.

Era mwetegereze ekyaddako kati. Nnakwata engeri y'ekyuma ne nkibikkulako, era munda waaliyo Olwazi olweru olutaaliko kiwandiiko kyonna. Era, mu kiseera ekyo, nnatandika okugenda ebugwanjuba. Bonna ne mbagamba, nti, "Temugenda Bugwanjuba. Musigale wano mutunule ku kino okutuusa Iwe nnaakomawo." Ne njenda ebugwanjuba olw'okubwatuka; ne nkomawo ebuvanjuba, n'Omwoyo Omutukuvu nga nzivuunula Ekigambo kino ekitaawandiikkibwa. Kati, ekyo bwe kiba nga si ddala Katonda Ayinza Byonna, njagala mumanye kiki kye kiri. Mikwano, kino Iwaki ngezaako okukyogera? Kwe kabalaga nti tuli mu kiseera eky'enkomerero.

105 Kati, oba ebirala bituukiriridde ddala n'Ekigambo, bwe kityo ne kino kituukiriridde ddala ku Kigambo! Wano we tutuuse. Mikwano, tuli ku nkomerero. Mangu ddala kijja kuba "Ekiseera kiweddeko." Bukadde na bukadde abajja okufirwa obulamu bwabwe. Bukadde na bukadde, be bakkiriza kati nti balokole, abajja okubalibwa ng'emmeere y'omulembe gwa zibbomu nnamuzisa.

Tuli mu ssawa esembayo. Olw'ekisa kya Katonda Omuyinza wa Byonna, olw'obuyambi Bwe, eri abantu Be, basobole okulindirira okulabika kwa Kristo okunaatera okubaawo! "Kinaatwala bbanga ki, Ow'oluganda Branham?" Osanga emyaka abiri; osanga mu myaka ataano; osanga mu myaka kikumi. Simanyi. Osanga ku makya, osanga leero. Simanyi. Tewali n'omu agamba nti amanyi, nti bakyamu. Olaba? Tebamanyi. Katonda, Yekka, y'Amanyi.

106 Kati, mwetegereze. N'olw'ekyo Katonda, Nnyamba, nsobole okubuulira Amazima, nti nakitegeera Iwa mwoyo, nga nkitegeera Iwa Mwoyo Omutukuvu. Era, na buli kumu ku byo, kiraze ekifo kyakyo mu Bayibuli. Kati, ekyama kino ekikulu ekiri mu Kabonero kano, sikimanyi. Sikimanyi. Sikitegeera. Sikimanyi, ekyo kye — ekyo kye kigambye, naye mmanyi nti byali Ebibwatuka ebyo Omusanvu nga bibwatukira wamu, nga bibwatuka emirundi musanvu egy'enjawulo. Ne byeyanjuzaamu ekintu ekirala kye nnalabye.

Kati, Ekyo bwe nnakirabye, ne nnoonya okuvvuunula. Kyagenze eri, ne siyinza kukitegeera. Ekyo bwe kiri ddala. Mukiraba? Ekiseera kyakyo kyabadde tekinnatuuka. Naye, kiyingira mu nkulungo eyo, olaba. Kigenda kisembera. N'olw'ekyo, kye mulina okukola kwe kujjukira nti nnayogera gye muli mu Linnya lya Mukama. Mwetegeke, kubanga temumanyi kiseera kintu we kinaabeererawo.

107 Kati, ekyo bwe kigenda ku lutambi, ate nga ekyo bwe kiri, ekyo kyandingobako mikwano gyange omutwalo mulamba. Kubanga, bagenda kugamba nti, "Ow'oluganda Branham agezaako okweteeka,

n'okwefuula, o — omuweereza oba nnabbi, oba ekintu kyonna, mu maaso ga Katonda." Abooluganda, ka mbabuulire, eyo nsobi. Mbabuulira ekyo kyokka kye nnalabye era ekyo ekyanngambiddwa. Era kat i mu — mukole kyonna kye mwagala okukola. Simanyi ani agenda ku . . . ekigenda okubaawo. Simanyi. Mmanyi bumanya nti Ebibwatuka ebyo Omusantu bye bikutte ekyama ekyo. Eggulu Iyasiriikirira. Buli muntu ategedde? [Ekibiina kiddamu, "Amiina." — Omuk.]

Kyandiba nga ky'ekeera. Yandiba nga y'essaawa eno, omuntu ono ow'ekitalo gwe tusuubira okugolokoka alabisibwe w'anaagolokokera n'alabisibwa. Osanga obuweereza buno, we nfubidde okuzzaayo abantu eri Ekigambo, butaddewo musingi; era bwe kiba bwe kityo, nja kubaleka, obutaddamu kuba nammwe. Tetuyinza kubaawo ffembi mu kiseera kye kimu. Mukiraba? Bwe kiba bwe kityo, ajja kugulumira, nze nzikakkane. Simanyi. Wabula, Katonda Ampadde omukisa, okutunula ne ndaba kye kibadde, olaba, okulaba nga kyeyanjuluza okutuuka awo. Kat i, ago ge Mazima.

108 Nkakasa nti mulabye ebantu ebigenzenga bibaawo mu wiiki eno. Nkakasa nga jjuuzi, mwalaba katabani ka Collins ako nga kali awo, nga kafa; n'akawala, akaali kalwadde kookolo ow'omu musaayi. Obwakabaka bwa Katonda bujja. Era bwewongedde nnyo okuva mu kisiikirize okufuuka ekyannamaddala nga bwe kibaddenga. Kat i, ekyo tekisaanye kumenya bantu. Okuva ku butabalirwako musango, okugenda mu kutukuzibwa, okutuuka mu Kubatizibwa n'Omwoyo Omutukuvu, era olwo okutuuka wano, wano. Okiraba? Tuba tusemberera Katonda, buli kiseera.

Abaweereza Abamethodist, temulaba, engeri obubaka bwammwe obw'okutukuzibwa gye bwali busingako ku bwa Luther bwe yabuulira? Mmwe Abapentekoote, temulaba nti obubaka bwammwe obw'Okubatizibwa busingako ku obwo Abamethodist bwe baabuulira? Mumanyi kye ntegeeza? Oh, tubadde n'ebantu bingi nnyo ebibaddewo! Era ekyo bwe kiri. Era bwe wabaayo avumirira ekikyamu, n'abantu ne bagamba nti obwo bulimba si Mazima, ekyo nkikyawa. Naye nze — njagala Mazima gennyini. Si nsonga gatabula eno oba eri. Bwe gaba nga ge Mazima, ku nkomerero Katonda Ajja kulaga nti ge Mazima. Era ekyo bw'Atakikola, amangu olumu ku nnaku zino, olwo okwolesebwa kwange tekwali kutuufu. Kat i mulaba we nneetadde.

109 "Ow'oluganda Branham, kinaabaawo ddi?" Simanyi. Simanyi. Naye, lumu ku nnaku zino, singa tetuddamu kusisinkana nate mu nsi muno, tulisisinkana eyo ku — awali entebe ya Kristo ey'okusala omusango. Era mujja kulaba, nti, mu kisenge ekyo, okubikkulirwa okuva eri Katonda, ddala ng'abalala bona bwe babaddenga, nti byo . . . Ekimu ku kyama eky'Akabonero ako, ensonga Iwaki tekyabikkulwa, byali ebibwatuka omusantu bye byafulumya amaloboozi gaabyo. Kiikyo awo, nga kituukiride ddala. Kubanga, tewali kintu kikimanyiiko. Tekyawandiikibwa. Kale, tuli mu kiseera eky'enkomerero. Tuli wano.

Nneebaza Katonda olw'Ekigambo Kye. Mmwebaza olwa Yesu Kristo. Kubanga, singa teyamusindika ku — olw'okusonyiyibwa kw'ebibi byaffe, ffenna twandibadde mu mpitambi ya kibi, nga tetulina ssuubi. Naye, olw'ekisa Kye, O — Omusaayi Gwe gunaaza ebibi byonna. Okufaanankao ng'ettundo lya bwino mu kalobo ka Clorox (ekiggyamu amabala), n'otaddayo kulaba ku bwino nate. Ebibi byaffe bwe byatulwa, biteekewba mu Musaayi gwa Yesu Kristo; olwo ne bitaddamu kumanyibwa nate. Katonda Abyerabira; nga tebikolebwangako. Kasita ssaddaaka eyo eba ng'ekyali awo mu mutango ku Iwaffe, olwo ekyo kiba kiwedde. Ky'ekyo, olaba. Te — Tetukyali boonoonyi. Tuli Bakulisitaayo, olw'ekisa kya Katonda.

110 Jjukira, mu ffe osanga twandibadde babi nga bwe twali. Naye, laba, ekisa kya Katonda kitulabikidde, era ekyo kye kitufudde kye tuli leero, abooluganda ne bannyinaffe Abakulisitaayo.

Wiiki eno ebadde ya kitalo gye ndi. Nkooye. Omutima gwange gukooye. Kubanga nze — Mbadde . . . ekisinga kye mbadde nsobola okukola. Era ekintu ekitali kya bulijjo kigenda mu maaso, buli lunaku. Nja kwewuunya; bwe nnaayingira mu kisenge, ne mbeeramu akaseera, ne mbaako kye ndaba nga kinkyusiza ddala. Era, wano, nnyingiddengayo ne nfunayo eby'okuwandiika. Nzigyengayo ebitabo bya Dr. Smith, Uriah Smith, era, oh, bona a — Abawandiisi, na buli kimu, ne nsomamu ne nsoma mu bitabo byabwe. Nngambyenga, "Kati kano ke kabonero Akoomukaaga. Kano ke Kabonero Akookuna. Kat i, omusajja ono agamba ki?"

Yandigambye, 'Kale, kyali kino, ekyo oba kiri.' Ate ne ntunula wano ne nfunayo omusajja omulala. Oyo n'agamba kyali bwe kiti. Era kifaananye nga nze . . . Ekyo ne kitakola bulungi. Okiraba?

111 Olwo ne nneebuuza, "Kale, Mukama, kye ki?" Awo ne nsattiramu. Ne nfukamira ne nsaba. N'addayo ne nkwata Bayibuli; ne ntuaa wansi, ne nsoma. Ne nzirayo n'ebirala. Kat i, amangu ago, bwe nnasiriikiramu, awo ne kyeyanjuluza bwe kityo. Awo ne nkwata ekkalaamu, ne nkiwandiikanga wansi bwe ntyo, kyonna kye mbadde ndabanga oba kye nkola. Nga nkyekkaanyanga, bwe ntyo, okutuusa lwe nkiwandiika wansi. Olwo ekiseera ekisigaddeyo eky'olunaku, ne nkironooola, okulaba oba kikwatagana n'Ebyawandiikibwa. Kat i, "Byonna mbikakasizza." Okiraba?

Kino nnakifunye wano. Ne ndowooza, "Kati, waliwo abantu bangi abalina okwolesebwa. Waliwo bangi abafunyenga okubikkulirwa." Naye bwe kiba nga kikontana n'Ekigambo, kireke; ky'ekyo, kireke.

112 Kati, kati, kino ne nkitwala bwe nti, ne nkipikola bwe nti. Ne nkiyitamu bwe nti wano. Ne ndoowooza, "Kale, kati, ekibiina kijja kusanyuka kino okukiwulira, kubanga kikwatagana wano, ne kikwatagana ne wali. Kati, ka tulabe, kino kigamba ki wano? Ddala. Era, yee, kiikino wano, wennyini." Mukiraba? Ne nkipikomyawo mu Bayibuli, ne nkikwataganya, mu wiiki yonna. Kiikyo, ku lutambi. Mwanirizibwa okuzifuna. Era nkikoze mu kutegeera kwange okusingayo, mu kusseekimu okw'Obukulisitaayo, bw'ekisa kya Katonda, eri abantu bona, mu Yesu Kristo. Nkoze ekyo ekisingayo kye mmanyi.

Mubadde ekimu ku bibiina ebisingayo obulungi. Tewabangawo muntu eyali akikoze okusinga wano. Mwenna mwazze wano ku ssaawa musanvu ez'emisana, okutuusa ku ssaawa kkumi n'emu oba wonna we baggulidde ekkanisa ne baleeta . . . abantu ne bayingira. Muyimiridde mu mpewo; mutudde mu muzira; mukoze buli kimu, mwesigamye wonna ku bisenge, okutuusa n'amagulu Iwe gabalumye. Ndabyenga abasajja batuula wansi, ne balekera abakyala ne batuula abamu nga bayimirira, bwe batyo, nga batudde,

113 muli ne ndowooza, "Mukama, bona . . . Eno wiiki ebadde nnungi nnyo. Ekintu kyonna kibadde mu ngeri etali ya bulijo, etya, abantu bwe bazzenga, n'obalaba nga bayimiridde eyo yonna ebweru, mu madirisa, mu miryango, eyo emabega wonna, buli wamu, nga bawuliriza. Ng'omwogezi, siri mwogezi n'akatono. Nze — nnina okutegeera okwo, okumanya nti siri, nti siri mwogezi. Naye Iwaki abantu bandiyinzizza okutuula ne bawuliriza bwe batyo? Lwaki bandikikoze? Tebajja kuwuliriza muntu alinga nze, wabula bajja olw'okuba waliwo ekintu mukyo, ekiwalulira abantu gye kiri. Mukiraba? Waliwo ekintu mukyo. Ekibasika. Nga mukyala wange bwe yayimiridde wano ku kituuti n'ayimba, bwe nnabadde ntandika:

Bava ebuvanjuba n'ebugwanjuba,  
 Bava mu nsi ez'ewala,  
 Okulya ne Kabaka, okulya ng'abagenyi Be,  
 Nga ba mukisa abatambuze bano!  
 Nga balaba amaaso Ge ag'ekitiibwa  
 Agamasamsa n'obutukuvu;  
 Ab'omukisa abagabana ku kisa Kye,  
 Ng'amayinja agaakaayakana mu ngule Ye.

114 Nsaba ekyo mukirowoozengako, "Okubeera ejinja ery'omuwendo mu Ngule ya Yesu Kristo." Pawulo yagamba ekkanisa nti, "Muli — mmwe mayinja, amayinja ag'omuwendo mu Ngule Ye." Twagala okubeera amayinja ag'omuwendo mu Ngule ya Yesu Kristo. Tetwagala n'akatono, kuteekamu muntu. Mwerabire ekintu kyonna ku nze. Ndi muganda wammwe, omwonoonyi eyalokoka olw'ekisa, atasaanidde kuba mulamu; ago ge mazima gennyini. Era ekyo sikyogera lwa kwetoowaza; ago mazima ddala. Siriimu kantu, wadde akamu, n'akatono. Wabula ekisa kya Katonda kye kisobozesezza obuuso bwange obuzimeera okulengera okusukka olutimbe olw'ekiseera ne ndaba ebintu eyo, ate ne nkomawo.

115 Bwe nnali nkyali mulenzi, nnayagalanga abantu, era bulijo nnayagalanga okubaako anjagala era ayogere nange. Tewaaliwo yayinza kukikola, olw'erinnya ly'amaka. Tewaaliwo yayogeranga nange. Naye bwe nneewaayo eri Katonda, olwo . . . Abantu baffe, gye tusibuka, olw'okuba aba Irish, nnalowooza nti, "Osanga . . . Bonna baali Bakatoliki, nti oba oli awo kyandiba ekyo." Nnagendayo, wabula ng'Aliko waali. Ne nngenda mu First Baptist church, kyokka ng'Ali walala. Ne nngamba, "Mukama, wateekwa okubaawo awantu awatuufu."Ekintu ne kigamba, "Kye Kigambo."

116 Nfunye Ekigambo ekyo. Ndabye buli kwolesebwa, wonna. Olunaku lwe nnasimba ejinja eryo ery'oku nsonda,ekyo ne nkiteekamu, nnawandiikako ekyo kye Yandaga mu kwolesebwa ku makya ago. "Kubirizanga ekiseera we kisaanira, ne wekitasaanira; nenyanga n'enjigiriza yonna ey'okugumiikiriza. Kubanga ekiseera kijja lwe batalikkiriza kuwulira kuyigiriza kwa bulamu; naye amatu nga gabasiwa balyeteerawo abayigiriza, ng'okwegomba kwabwe bo bwe kuli; baliziba amatu okulekanga amazima, balikyama okugobereranga enfumo obufumo." Era nnalaba emit egeo ebiri, gye nayimirira okumpi, nagyo nga gikola ekintu ekyo kye kimu. Ky'ekyo. Kati awo we tuli. Era ekyo bwe kiri.

117 Era, kati, temujja. Mujjukire. Ka mbazzeemu amaanyi nate. Temugamba nti, "Weebale nnyo," eri omuntu yenna, n'akatono. Temugamba, nga mulowooza, nti omuweereza omu, oba kyonna, omuntu ow'omubiri; nti alimu ekintu kyonna ekirungi. Kubanga, taliimu wadde. Sifaayo oba ani. Tewali muntu yenna aliko akalungi. Ky'ekyo. Singa wabaawo amakondeere wano, erimu ku go ne liba nga liriko eddoboozi ly'oluyimba lye lirina okufumya, muntu . . . Amakondeere ago tegoogera n'akatono. Omuntu y'asobola okufuuwa ekkondeere, aba amanyi kyagenda okukola, n'akwata ekkondeere. Ekkondeere teririna kye likola. Eddoboozi liva mu magezi agali emabega w'ekkondeere. Ky'ekyo. N'olw'ekyo, amakondeere gonna ge gamu. Abantu bona be bamu. Abakulisitaayo bona be bamu.

118 Mu ffe temuli muntu wa kitalo. Tetuli ba kitalo, wadde abakazi ab'ekitalo. Ffenna tuli ba luganda, ffenna tuli kye kimu, mu ttuluba lye limu. Tetuli ba "kitalo." Omu teweefuula kuba mukulu okusinga omulala, wadde ekintu kyonna ekikolebwa. Nedda, ssebo. Wabula ffenna tuli bantu buntu. Ebintu togezaako kubivvunula. Togezaako kwegulumiza wabula okutambulira awamu, nga muwa Yesu Kristo ettendo n'ekitiibwa. Kati ekyo buli omu akitegeera? [Ekibiina kiddamu, "Amiina." — Omuk.] Amiina. Mwagale n'omutima gwo gwonna. Okikola? ["Amiina."]

Mmwagala Ye, (Era nja kumwagala!), mmmwagala Ye  
 Kubanga ye Yasooka okunjagala,  
 N'Angulira obulokozi  
 Ku muti e Kalivaaliyo.

119 Katonda Atenderezebwé! Buli muntu ategereedde ddala? [Ekibiina kiddamu, "Amiina." — Omuk.] Buli muntu akkiriza? ["Amiina."] Mujjukira bwe nnali ntandika, "Ani akkirizza ebigambo byaffe? Era ani abikkuliddwa omukono gwa Mukama?" Akubikkulidde okusaasira Kwe, n'obulungi Bwe? ["Amiina."] Amiina.

Jjukira, okumwagalanga n'omutima gwo gwonna. Kati nzirayo eka. Nja kukomawo wano nate, Mukama ng'Ayagadde, awo nga Juuni atandika Oba oli awo, Mukama bw'Alikiteeka ku mutima gwange, osanga ng'ekyeya kino ekijja kitandika, awo nga mu Juuni ova awalala, osanga ng'ekiseera eky'ebbugumu kiweddeko, Mukama bw'Aaalwayo, nja kwagala okukomawo ntegeke ennaku endala musanvu, olw'Amakondeere Omusantu agasembayo. Ekyo munaakyagala? Munaakyagala? [Ekibiina kiddamu, "Amiina." — Omuk.] Munansabira, Katonda Annyambe? ["Amiina."] Kale. Okutuusa lwe tunaasisinkana nate, mujukire oluyimba luno olw'edda olulungi:

Mmwagala Ye, mmmwagala Ye  
 Kubanga ye Yasooka okunjaga,  
 N'Angulira obulokozi  
 Ku muti e Kalivaaliyo.

Kati njagala mukoteke emitwe gyammwe. Njagala kubasabira. Omusumba nga tannabasiibula, njagala okubasabira.

120 Kitaffe ow'omu Ggulu, Mukama, nsaba abantu bano bategeere. Kye nkakasa nti waliwo abamu abatategedde. Naye, Kitange, nsaba ba — bamanye ekigendererwa. Kitange, era bategeere, nti — nti kibadde kisa Kyo gye bali ebintu bino okuba nti bibikkuddwa. Mukama, era njagala okukwebaza, olw'amagezi ag'okumanya ebintu bino by'Otubikkulidde. Era nsabira buli muntu yenna ali wano, yenna abadde mu lukunjaana.

Bwe wabaawo abamu abatakkiriza, nsaba, Mukama, bafuuke abakkiriza. Nsabira abo bona abanaawulira Obubaka ku ntambi. Era bwe bunaagenda, awatali kubuusabuusa, nti kijja okuba, mu maka ne mu bifo by'abatakkiriza abangi abatakkiriza; naye, Kitange, nsabira buli omu, nti nga tebannayogera kigambo kyonna eky'okuvvoola, nti basooke batuule wansi banoonye mu Byawandiikibwa n'ekyo ekyogeddwa, era bakugambe nti ddala beesimbu era baagala okumanya ova gano ge Mazima ova nedda. Kitange, mbasabidde.

121 Era nsabira bano abayimiridde ku bisenge bino, abali ebweru, abatudde mu mmotoka zaabwe, olw'abaana, era n'olw'abo bona abali munda. Era bona, Mukama, mbasabira. Era nsaba nti essaala zange zaanukulwe, Obawe omukisa.

Mukama, okusooka, buli omu muwe Obulamu Obutaggwaawo. Nsaba baleme okuba ku abo ababula, wadde omu. Era kati, Kitange, tetumanyi kintu kino ekikulu lwe kiribeerawo. Naye bwe tulaba obubonero buno nga bulabika, n'ebintu ebiri mu byawandiikibwa nga bituukirira, kirabula emitima gyaffe ekisusse. Era nsaba, Kitaffe Katonda, Otuyambe.

Nsaba Oyambe omusumba waffe omwagalwa, Ow'oluganda Neville. Mukama, mujuze, ekisa n'amaanyi, era n'okutegeera, aggyeyo emmere eno eterekeddwa aliise endiga za Katonda.

Mukama, nsaba endwadde ozikuumire wala naffe. Nsaba kituukirire, nti abantu bwe banaalwalanga, bajjukirenga okubeerawo kw'Omusaayi gwa Mukama Yesu gukamala byonna nti guli ku Kyoto, okutangirira. Era nsaba bawonyezebwe mbagirawo. Era nsaba Okuumire wala amaanyi ga Setaani ne gye bali, agabamalamu amaanyi, ova agagezaako okubafuula obubiina obw'obulombolombo. Manyanga, Mukama, amaanyi gonna ag'omulabe ogakuumire wala. Tutukuze eri Ekigambo Kyo. Kituwe, Mukama.

122 Era, Mukama, nkusaba Onnyambe. Nze — nze — Mukama, ntandise okuggwaamu. Mmanyi nti ennaku zange tezikyayinza kuba nnyingi nnyo. Mukama, era nkusaba Onnyambe, mbeere wa mazima omwesigwa era omwesimbu, nsobole okuyimiririra Obubaka nga bwe kyantegekerwa okubuyimiririra. Olwo ekiseera bwe kirituuka nze okugalamira, nngende ku Mugga, olwo amayengo gatandike okujja, Ai Katonda, nsaba mbeeko omulala gwe nsobola okukwasa Ekitala kino eky'edda anaaba omwesigwa gye kiri, Mukama, aneetikka Amazima. Kikkirize, Mukama. Era, okutuusa ku olwo, Nnyamba mbeere mugumu omulamu era ow'amaanyi. Yamba ekkanisa yange. Tuwe omukisa ffenna, Mukama. Tuli babo. Kati tuwulira nti Omwoyo Wo Ali wakati mu ffe. Tukkiriza nti Ogenda kwanukula okusaba kwaffe. Kubanga, twewaayo gy'Oli, n'Ekigambo Kyo, olw'obuweereza ennaku zaffe ezsigadde yo ku nsi kuno, mu Linnya ly'Omwna wa Katonda, Yesu Kristo, Omulokozi waffe Omwagalwa, olw'ekitiibwa Kye. Amiina

Mmwa . . . (Katonda Abawe Omukisa!) . . .

Mmwagala Ye, (n'omutima gwange gwonna),  
 Kubanga ye Yasooka okunjagala,

Katonda Akuwe omukisa, ow'oluganda Neville.

123 AKABONERO AKOOMUSANVU KEEYONGERAYO [Ow'oluganda Branham okusooka teyalambulula kinyusi eky'ebiba 261-374, naye, wabula, yeeyongerayo ku mande, nga 25, Maaci 1963, ebiba okuva ku 377-414, ng'obuyinza bw'enkomerero y'olutambi Iw'Akabonero Akoomusantu okufulumizibwa mu kiseera ekyo. — Omuk.]

124 Kijja kuba kirungi ye obutabaako ky'akimanyiiko. Kubanga, singa akikola, olwo ajja kuba akigegeenya. Obwo bwe bukodyo bwe mu kukola ebintu. Kale, n'olw'ekyo, Katonda Akikweddedde ddala ensi yonna, n'eri Eggulu, ne waba nga tewali ngeri yonna ya kukitegeeramu, wabula nga Katonda Yennyini, y'Akibikkudde.

Kati njagala mwetegereze, leero, nti mu Kabonero Akoomukaaga waaliwo e — ekigendererwa eky'engeri essatu eky'Akabonero Akoomukaaga Wabaddewo ekigendererwa eky'engeri essatu eky'abatudde ku mbalaasi. Waaliwo ekigendererwa eky'engeri essatu mu bintu bino byonna. ekitukomyawo nate ku ssatu. Ne ku musanvu, nate, olaba, Obubonero Omusanvu, Ebibya Omusanvu, n'ebirala.

125 Kati, mu bisatu ne misanvu mwe muli omuwendo gwa Katonda mu kubala Kwe okw'okubikkula Ekigambo Kye. Kati mwetegereze, nga ku — ku — abatudde ku mbalaasi, kati, waaliwo embalaasi ssatu ezaavaayo. Emu ku zo yali njeru, endala yali mmyufu, endala yali nzirugavu. Kati olwo, ku mbalaasi eyookuna, kale, zonna zaatabikibwa wamu. Olaba, ekigendererwa eky'engeri essatu.

Kati, Katonda Yakola ekintu ky'ekimu. Katonda Yakola ekintu kye kimu bwe Yasindika Empologoma Ye, nga kye Ekigambo Kye, okwannganga omulabe wa Kristo. Era tulaba nti yasindika ente ennume mu kiseera ekya — ekiseera eky'ekibonyoobonyo, ensolo eya ssaddaaka. Era mu kiseera kino eky'ekibonyoobonyo, ekyo abantu kye baalina okukola, kwali kukola, obuddu, ne beewaayo nga ssaddaaka.

126 Olwo ne tulaba, mu mulembe oguddako, ng'ogwo gwe gwali omulembe gw'abaddaabuluzi, Katonda Yasindika amagezi ag'omuntu, ekiramu ekirina omutwe ng'ogw'omuntu, nga ge gaali amaanyi agaavaayo mu baddaabuluzi.

Kati, mwali mwetegerezza? Buli . . . Ky'ova olaba abantu b'ennaku zino bakyali mu mbeera eyo, nga bwe kyali mu mulembe gw'abaddaabuluzi, kubanga bakirabira mu ngeri ya — mu ngeri ya kinnaddiini gye bakirabamu. Bakiraba mu ngeri sseminaaiyo gye zikiyigirizaamu. Eyo lumu yaliko engeri ya Katonda, naye eyo twagivaamu dda.

127 Kati tuli mu mulembe gwa Mpungu, okubikkulirwa okuba nga kubikkulwa, ekintu kyonna. Kati kino kigeraageranye ne Okubikkulirwa essuula 10, olunyiriri 1 okutuuka ku 7. Era tuja kulaba wano mu Okubikkulirwa kuno, wano mu Okubikkulirwa, 10:1 okutuuka ku 7, nti, "Mu nnaku z'eddoboozi ly'Obubaka bwa Malayika Owoomusanvu, ebyama bya Katonda byonna byali bya kuggwa."

Kati era mu kino, tulaba nti, Akabonero Akoomukaaga, nga kabembulwa kati, kyali kya kigendererwa eky'engeri essatu. Kati, ebigendererwa byali wano. Ekintu ekisooka, kyali, nti embeerera abeebase baalina okuyita mu kiseera eky'Ekibonyoobonyo olw'okulongoosebwa. Yalina okunaazibwa olw'ebibi bye eby'obutakkiriza n'okugaana Obubaka. Kino, kyamukolebwa mu kiseera eky'Ekibonyoobonyo. Tulaba nti biggweera wano mu Okubikkulirwa 7, wakati w'essuula eyo 6 n'eyo 7 wano, nti yali alongoseddwa, era n'aweebwa ebyambalo bye.

128 Kati, si ye Mugole, naye y'Ekkanisa, abantu abalongoofu aba — abataafuna mukisa, osanga, okufuna Obubaka, oba mu ngeri emu abaazibibwa amaaso bannabbi bano ab'obulimba. Era te — abaatafunu mukisa, kyokka nga baali beesimbu mu mitima. Era Katonda Amanyi emitima gyabwe. Era wano balongoosebwa, nate, mu kiseera kino.

Mwetegerezza, ekiseera ekirala eky'okulongoosa, ekya Isiraeri, nga bakunngaana. Ekyo ky'ekitundu ekyokubiri. Katonda Alongoosa Isiraeri mu kiseera eky'Ekibonyoobonyo. Mu bukadde n'obukadde abalikunngaana, mulirondebwamu emitwalo kkumi-n'ena-mu-enkumi-nnya, nabo, ne balongoosebwa. Katonda Alongoosa Isiraeri.

129 Mwetegereze, ensi yonna yiiyo ya kulongoosebwa. Wagenda kubeerawo ekintu nti omwezi, emmunyeeny, n'obutonde bwonna, bulirongoosebwa. Mulaba kye kiri? Ensi yezza buggy, ng'erongoosebwa, okweteekateeka olw'Emyaka Olukumi. Emyaka Olukumi gjija. Era, laba, buli kintu kyonna ekirimu obwonoonefu kya kulongoosebwa mu Kabonero Akoomukaaga.

Kati, mukyetegerezza kati? Mu kabembulwa kw'Akabonero Akoomusantu, nakyo kiri mu kyama kya mirundi esatu. Kino, nki . . . nja kwogera, era nkyogeddenga, nti kye kyama eky'Ebibwatuka Omusanvu. Ebibwatuka omusanvu mu Ggulu bijja kwanjuluza ekyama kino. Kijja kubeerawo ddala ku kujja kwa Kristo, kubanga Kristo Yagamba nti tewali amanyi Iw'Alidda.

130 Wali weetegerezza, ekyo Abayudaaya bwe baakimubuuza? Omanyi . . . bwe twageraageranya Ebyawandiikibwa ebya Matayo 24, n'Obubonero omukaaga, nti Akabonero Akoomusantu tekaalimu. Kubanga, laba, Kristo Yagamba nti, "Katonda Yekka y'Amanyi; wadde ne Bamalayika." Kye kyava, tekyawandiikibwa. Laba, baasirika; awo tewaliwo kyabaawo. Bamalayika tebakimanyi. Tewaliwo n'omu amanyi Iw'Alijja. Naye walibaawo a — walibaawo a — Amaloboozi Musanvu, ag'Ebibwatuka bino, aglibikkula okubikkulwa okw'ekitalo mu kiseera ekyo.

N'olw'ekyo, nzikiriza, gye tuli aba . . . Bwe tuba tetukimanyi, era bwe tu . . . Tekirimanyibwa okutuusa mu kiseera ekyo. Naye kiribikkulwa ku lunaku olwo, mu ssaawa gye kirina okubikkulwamu. Kale, ffe kye tulina okukola kwe kwewombeeka mu maaso ga Katonda, ne tumuweereze, ne tukola ebyo byonna bye tumanyi okukola, n'okubeera abalungi, obulamu obw'Ezikulisaayo.

Wano, kati, tulaba nti Akabonero Akoomukaaga kabembuddwa gye tuli; tukiraba. Era tumanyi nti Akabonero kano Akoomusantu tekayinza kubembulwa mu lujjudde okutuusa ng'essaawa eyo etuuse.

131 Kati, waaliwo ensonga Iwaki Katonda Yakkiriza Amaloboozi gano Omusanvu okubwatuka. Kubanga, kiteekwa okujja, olaba. Kubanga ba . . . Tulaba nti Kristo, Omwana gw'Endiga, Yatoola e — Ekitabo mu mukono Gwe, n'Abembula Akabonero Akoomusantu. Naye, laba, kyama ekikwekeddwa. Tewali akimanyi. Naye ki — Kyo, kiri butereevo ddala ne kye Yayogera, "Tewali n'omu alimanya okujja Kwe." Era tebalimanya ku kyama kino eky'Ebibwatuka Omusanvu. Kale, laba, bikwataganyiziddwa wamu.

Ekyo kyonna, tukiteegera, leero, kubanga ebirala byonna ku Kyo byanjuluziddwa; naye kino kyo tekyanjuluziddwa. Naye bwe nnabadde ntudde mu kisenge kyange, ne mpulira nga . . . oba, manyanga, ssaakiwulidde, naye nnakirabye nga kyeyanjuza eri ebibwatuka bino omusanvu. Kati, awo we tutuse, eku ekyo.

Era kati ndi mukakafu nti buli omu ku mmwe agenda kuweereza Katonda n'okukola ekyo ekituufu. Okumwagala n'obulamu bwange bwonna, n'okumuweereza. Olwo Katonda Ajja kuvunaanyizibwa ku bisidde.

132 Kati, wano mu kumaliriza, tulina, olw'ekisa kya Katonda, ebyama byonna eby'Obubonero omukaaga ebyali bisibiddwa, era tutegedde era tumanyi wano nti Akabonero Akoomusantu si ka kumanyibwa mu lujjudde.

Kati, okujja Kwe, mu ssaawa y'okujja Kwe, kwa kuba mu kuzikirizibwa kw'ensi, nga bw'omanyi. Yagamba awo, "Kaliba kabonero ki ak'enkomerero y'ensi?" Mu Matayo 24, awo we baamubuuliza ekibuozo ekyo. Yeeyongerayo wansi ku ekyo. Yayogera ku Isiraeri okukunngaana ng'eggwanga, mu lunyiriri 31, olwa Matayo 24:31. Wabula awo n'Atandika engero, olaba. Kale olwo mulaba e . . . "Muyigire ku lugero Iw'omutiini. Bwe mugulaba nga gutojerra, kale, mumanya nti ekiseera eky'omuzzo kiri kumpi." Era olwo bwe muliraba kino nga kituukirira, olwo mumanya nti ekiseera kiri kumpi."

133 Mulaba, Isiraeri nga bakunngaanira ku butaka. Naye, mwetegereze, Yabuuka okubikkulwa kw'Akabonero kano Akoomusantu. Kati wano, Akabonero Akoomusantu, bwe Yakabembula, ate n'Akabuuka, olaba. Kale tulabira ddala nti kyama kyennyini, n'olw'ekyo, essaawa y'ekyama kino okumanyibwa tennatuuka. N'olw'ekyo, tuli eno wala, era ebisigaddeyo bya kumanyibwa mu kiseera kyennyini Yesu w'Alirabikira ku nsi nate, ng'Anonye Omugole We, oba kyonna ekiribaawo mu kiseera ekyo.

Kati, okutuusa mu kiseera ekyo, ffenna ka tusabe busabi, era tutambulire mu bulamu obulungi, obutereevu, obulamu obw'Ezikulisaayo, nga tulindirira okujja Kwe.

134 Era kati olutambi luno bwe lulibaako emikono gy'abantu abamu awantu gye luligwamu, temugezaako kulukolamu nzikiriza. Kye mukola, mugende mu maaso na kuweereza Katonda. Kubanga, ekyama kino eky'ekitalo kikulu nnyo n'okuba nti Katonda teyakkiriza Yokaana kukiwandiika. Kyabwatuka, naye Ya . . . ng'Amanyi nti . . . n'Atusuubiza nti kiribikkulwa. Naye, mu kiseera kino, tekinnabikkulwa.

135 Era kati, twebaza Katonda olw'ebyo by'Atulaze. Ntudde wano mu kisenge okumala ennaku munaana. Era Obubaka bwe nnaakamala okubannyonyola, bangi ku mmwe wano mujja kutegeera. Era nsuubiza nti wabaddewo ekibadde kigenda mu maaso, mu mwoyo, buli kiseera, kye nkakasa nti mubadde mukisubwa. Kati kikino wano; Kwe kulabisibwa kwennyini okw'okuvvuunula okw'Ebyawandiikibwa ebivudde eri Katonda. Kubanga, bwe twali nga tetunnaba na kukuyingiramu, bwe nnagenda ebugwanjuba, lumu Mukama n'Andaga okwolesebwa, ku ssaawa nga nnya, amaka agamu. Ne nzija wano ne nkunnyonnyola, nti nkulabye; saamanya ki kye kyali. Kyali kibinja kya Bamalayika musanvu. Ekyo tunaakijjkira. Mujja kukifuna ku lutambi, oluyitibwa, Ssebo, Kiseera Ki Kino? Kale, kati, ekyo ky'ekyo kyennyini kye mulaba kaakati.

136 Bamalayika omusanvu . . . Nnali Bugwanjuba. Mujjukira, ababaka abatono omusanvu; baagenda e buvanjuba. Ababaka abaddako, amayiba, kyali kinyonyi kinenecho, baagenda e buvanjuba. Kati olwo nnatunula . . . Baabeera nange, ekiseera kyonna. Okwo kwe kwali Okusika Okusooka n'Okusika Okwokubiri. Kati, Okyokusatu ne kiva e bugwanjuba, nga kikunta ku mbiro ez'amaanyi, ne bansitula. Awo

kyali kukomawo buvanjuba, n'ekyama eky'Obubonero buno Omusanvu. Nga bwe kyagamba mu — mu kirooto kya Junior Jackson, ekyo Mukama kye Yansobozesa okumuvvuunulira,

"Mu nda mu piramiidi eyo, mwalimu Ejinja eryeru eryali teriwandiikibwangako." Eyo y'ensonga Iwaki nnalina okugenda e bugwanjuba, okukwatagana n'Obubaka bwa Bamalayika, okukomawo wano okububikkula eri ekkanisa. Jjukira, nnagamba, "Ebintu ebigena okuddako okubaawo bya kubeera wano ku kkanisa." Ekyo bwe kiri ddala.

137 Ekirala, njagala mumanye ekyo ekyabaawo. Era bwe muba muwliriza olutambi, Ssebo, Kiseera Ki Kati?, mujja kulaba nti Malayika omu yali wa njawulo nnyo gye ndi. Abalala bona abasigaddewo baali ba bulijjo. Naye Malayika ono yali Malayika mukulu nnyo. Yandi ku kkono, mu kibinja ekyali mu ngeri ya pyramid. Kati, jjukira, kyal mu pyramid, omwo mwe mwali ejinja eryeru ery'ekyama eryali teriwandiikibwangako. Bamalayika ne bannyngiza mu pyramid yaabwe, ebyama bya Katonda nga bimanyiddwa bo bokka. Era, kati, Abo be baali Ababaka abajja okuvvuunula pyramid eyo, oba Obubaka obwo obukwata ku kyama ky'Obubonero buno Omusanvu ekiri munda mu pyramid.

138 Kati, Malayika, eyandi ku kkono, y'ateekwa okuba nga y'asembayo, oba Malayika owoomusantu, singa tubabala okuva ku kkono okudda ku ddyo. Kubanga, ye yandi ku kkono; nze nga mmutunuulidde, nga njolekedde e bugwanjuba, ye bw'aba ng'ava e buvanjuba, ng'ali ku ludda olwa kkono. Kale, obwo bwe bwali Obubaka bwa malayika asembayo, Omukulu ennyo. Jjukira nga bwe nnagamba nti yalina Obubwe, omutwe gwe gwali ng'oguli emabega, n'ebiwawaatiro bye ebinene, ebisongovu; n'engeri gye yabuukamu okujjira ddala gye ndi. Kati, ako ke Kabonero kano Akoomusantu. Era kikyali kintu kikulu nnyo. Era tu . . . Tetumanyi kye kiri, kubanga tekinnakkiriziba kubembulwa.

Naye kati, buli omu ku mmwe abali mu lukunngaana yeetegerezza, olukunngaana kye lubadde! Era buli muntu alabise ng'ali ku ndebolebo ya ntebe ye. Era buli omu yabadde wano, ku ssaawa musantu, n'omunaana ez'olweggulo, ng'alindirira enzigi okuggulwawo, ayingire abeere wano ku mwanzo. Nga mwetoolodde wonna ku bisenge; entegetege ne zibafamba, na buli kimu. Kye ki? Omwoyo Omutukuvu y'Abadde Atuma Ababaka bano, era babaddenga babutubikkulira. Era kati mwetegereze engeri gye kikwataganidde ddala, n'Ekgambo.

139 Kati olwo okubamanyisa mwenna nti gano ge Mazima, Yagalagula ko — emyezi ng'ebiri kati egiyise, oba n'okusingawo, nga tekinnabaawo. Kale, bwe nnagenda e bugwanjuba, nga sikimanyi; nnakomawo wano n'okuvvuunula nga bw'Akiwadde. Kati mujjukire, mu kwolesebwa, Teyanggambako kintu kyonna mu kwolesebwa bwe Yantwala eyo. Nneesisiwala, ne ntya nti nnali njenda kufiira mu kubwatuka. Labayo, baali tebasobola kukikola. Okuvvuunula kwajja we nnali nkjetaagira ddala, awo nga ndi mu kisenge, era ne nkuwa ddala nga bwe Yakuwa.

Kati, mikwano, mulaba, okwolesebwa tekugwa butaka. Bulijjo kutuukirira. Kubeerera ddala kutuufu.

Kati, okwolesebwa, gattako Ekgambo, ogattekko ebyafaayo, ogattekko emirembe gy'ekkanisa, byonna, bikwatagana wamu. N'olw'ekyo, nngenda kugambira ddala, nti, nga bwe ntegeerera ddala, n'okusinziira ku Kigambo kya Katonda, n'okwolesebwa, n'okubikkulira, okuvvuunula okukwata ku bintu ebyo kuli BW'ATYO BW'AYOGERA MUKAMA.

Kati, Mukama Abawe omukisa Mwenna, buli omu, ddala ddala, nga bwe tuyimirira tuyimbe oluyimba luno olulungi olw'edda olw'ekkanisa. Katonda Abawe omukisa, buli omu. Amiina

140 [Ow'oluganda Branham azzaamu ennyiriri ennya, ezaggibwa mu kiba 374 eky'obubaka bwe obwa jjuuzi, nga Maaci 24, 1963. — Omuk.]

Mmwa . . . (Katonda Abawe omukisa!)

. . . mmwagala Ye, (n'omutima gwange gwonna),

Kubanga ye Yasooka okunjagala.

N'angulira obulokozi,

ku muti e Kalivaaliyo

Katonda Akuwe omukisa, ow'oluganda Neville. [Ekibiina kigenda mu maaso n'okuyimba Mmwagala Ye. Ow'oluganda Orman Neville abasiibula mu ssaala — Omuk.]



[www.messagehub.info](http://www.messagehub.info)

Byabuulirwa

**William Marrion Branham**

"...mu nnaku z'eddoboozi..." Kub. 10:7